



安徽通志

ル 5
1575
84



1375
84

重修安徽通志卷二百五十六

人物志

義行十

太平府

明普周當塗貢生家極貧所居不蔽風雨而名重一時一直指
遠來訪餽以金恐不受託言雄黃受置牀下午節取以和酒則
金也怒其欺投之江嘗見重於某都憲為釋一黃指揮罪酬以
千金拒不受都憲益重其品

太平府志

張昇當塗人有蘇順者任淮安令寄木匣於昇貲甚厚昇遭回
祿已財不顧獨負順匣走避垂數十年順歸而還之封識如故

江南舊志

劉忠福當塗人正統六年歲饑輸穀二千五十石同邑張公受

重修安徽通志

卷二百五十六 人物志

義行

一

太平府



亦輸穀二千五十石許有常輸穀三千三十石並敕授冠帶旌
爲義民

太平府志

奚鐵蕪湖人嘗路拾遺金二百兩還之正統六年歲饑賑粟二
千石有奇敕賜褒美成化二年復入粟二百五十石弟鈍亦以
賑粟同旌

蕪湖縣志

俞全繁昌人宣德閒歲饑郡檄勸賑全慨然任之越二年復歉
全經營給本邑牛種事聞給冠帶巡撫吳琛贈之以詩手跡今

存

繁昌縣志

葛渠字仲芳蕪湖人歲饑以千金散族里正德時劉璫肆虐邢
珣以事忤璫被譴親知遠避渠一布衣獨俟江滸傾囊助之得
達成所有楊某者路爲賊劫助以資斧後其子官南都操撫來
訪渠已前卒祭墓而去

江南舊志

章杞當塗人與韓守直爲友韓疾劇以三十金授杞不令妻知
屬曰吾妻有孕男也幸以此撫之韓亡後妻果生男杞給衣食
得成立後杞病篤呼韓氏子來啟篋金三百付之曰汝父以三
十金授我今爲汝經營且十倍矣其子不敢受譬諭再四感泣
持歸聞者皆高其義

一統志

朱容蕪湖人事親孝兄早亡割己產以資姪凡邑有建置修造
事關民社者邑令及眾必詣容商度得當而後已每遇歲歉出
粟賑饑竭其資不吝事聞給冠帶旌爲義民

太平府志

徐環繁昌人與弟瓘終身不析產歲饑各捐穀五百石助賑同
邑湯鏞捐穀四百石助賑又汪元勳出粟爲糜獨賑三月餘又
計口授粟以濟疲癯殘疾者事聞授散銜

太平府志

丁和尚者當塗人嘗鬻水於采石麓心寺拾金不貲欲還之恐

重刊安海通志 卷三十五 二
出入無時與原主左遂削髮寺中其人果泣而至盡以歸之江南通志

干鏃當塗人宿旅邸獲牀下金俟其人還之萬歷閒又嘗出粟

助賑太平府志

唐第字汝登當塗人路拾遺金坐待其人還之當塗縣志 新增

唐永祉當塗人歷官永春丞有政聲卒於官士民感泣子濬萬

歷己丑歲大歉民情騷擾濬先捐穀千餘石倡賑邑賴以安事

聞給冠帶其前後以助賑聞者景泰閒張亨亨之子遇賢詔給

冠帶成化閒孫遇林給冠帶徐賢給七品散官萬歷閒邢靖四

前後捐穀二千石給冠帶葉瑞亦給冠帶吳守仕詔旌爲尙義

又朱桂捐穀八百石夏之裔捐穀七百石彭鈿捐穀三百石皆

好義之足紀者太平府志

朱萬秋當塗人崇禎閒倡捐助餉協眾守城史可法時爲兵備

劄授義官太平府志

繆懋卿蕪湖人與兄召卿皆好施予凡值歲歉出穀以賑全活

甚眾上憲屢加旌異其先以蠲穀備賑聞者周祥周信陶勛康

譜朱奎東隆袁志林陶邵成化初皆勅給冠帶太平府志 蕪湖縣志

郭道亮繁昌人嘗建粥菴以飼行者又不惜多金修葺峻道萬

歷閒以捐穀助賑題授散官太平府志

國朝楊一儒字翼真當塗庠生事母孝時奉母命徧周親族之困

子錫汝順治閒以拔貢知孝豐縣邑多逋賦前令坐累者數人

一儒售家產令其子代償皆得脫然去家用是落或稱其義答

曰代民完逋以免僚友之累分也敢市名耶江南通志

唐用極當塗人順治十四年以善行

旌表太平府志

梅世開當塗庠生順治十七年以善行

旌表太平府志

高惟昱繁昌人順治十七年以善行

旌表太平府志

孫啓蕃當塗庠生順治閒歲饑啓蕃家無餘蓄盡變其產以助

賑全活無算太平府志

曹臺望當塗前明恩貢事親孝尤善事繼母明季寇亂捐千金修城垣棲宿城上數月賊知有備解去以薦受兵部司務黃得功駐蕪湖欲發兵屠姑孰臺望適在軍中當得功前解衣投江曰願先死黃遂止順治閒遇歲饑竭力拯救府學巽方建亭獨任其成弟臺觀亦能同義嘗為友人嫁七孤女助建育嬰堂全

鬻妻諸善行不可勝紀太平府志

張鳳鳴當塗人土寇沿明季之亂蠶起剽掠鳳鳴散家財糾強壯者捍禦數千里內賊不敢犯副總梁化鳳領兵來剿鄉民震恐鳳鳴椎牛犒師泣陳良民遭寇之苦梁義之授以旗保全無

算太平府志

魏允字奕人繁昌人喜施濟有負管將金者將自經允立捐數百金代償又鬻妻償逋者為捐金全之歲募僧放舟中流收遺骸以葬凡十餘年子康孫成康熙庚戌進士繁昌縣志

俞茂調蕪湖人嘗拾遺金於道夜坐達旦俟其人還之康熙戊

子歲禮為食於路以給饑者太平府志

丁士瑛當塗人康熙十八年旱捐穀賑饑給藥起病助金全姻施棺斂骼義無不為同邑唐維震四十七年水賑穀千石施棺

無算

太平府志

陶成琮當塗縣吏嘗於橋下拾遺金俟其人還之同邑王士卓

張國器皆以還遺金聞

太平府志

唐維翰字鶴仙當塗人候選縣丞嘗於桐城拾遺金還其人謝

之不受

太平府志

天井街民當塗人失其名嘗拾數百金於路俟其人還之不受

謝

當塗縣志

鮑之瀛繁昌增生賑饑焚券好行其德嘗有遺金者將自沈於

河之瀛如其數與之

繁昌縣志

朱國祉繁昌人嘗救一失金而自溺者如其數與之金又為鬻

妻償逋者全其夫婦凡二人

繁昌縣志

沈啓訥當塗人康熙初周家圩常苦旱獨捐數百金修築南陡

門以時蓄洩又命其子庠生搏約同志捐金重修府學

太平府志

李本森當塗人祖顯宇以純孝稱本森克繩祖德性孝友嘗變

產代兄償逋獨力創建宗祠他如修學宮建育嬰堂築譙樓濬

市河糴穀助賑諸義舉無不創始克終同邑徐章達事親孝父

母歿後一念及輒飲泣嘗捐千餘金創建家廟有姪早卒給田

養其媳以成厥志

太平府志

吳斌當塗人康熙己酉武舉戊子饑散穀以賑不問遠近廣設

粥廠日食數千人病施藥死給棺寒置綿絮己丑春夏民困益

甚斌獨助如初

太平府志

崔斌當塗庠生性孝友兄弟析產廬舍田地聽其自擇康熙戊

子大水給錢米聚眾保護隄岸至秋有收而本佃一概免租復

捐穀周他圩之被浸者己丑大疫施藥給棺其費不貲郡邑議

獎力辭不受

太平府志

趙梅蕪湖人考授州同知兄松遠貿卒於粵西梅奔走數千里扶其輓歸事嫂如母兄子早逝撫孤成立有邑人以逋負繫楚獄梅經其地爲代償以出之鄉有遠出而母死者其妻鬻子以償斂費梅卽爲贖還義舉甚多後卒感泣者載路

太平府志

劉世和蕪湖貢生康熙戊子庚寅邑連遇水災圩隄盡潰世和慷慨捐貲或獨任或勸成約費數千金築隄完固壬辰隄又決復捐數百金工始竣後值荒疫平糶賑粥施藥諸善舉皆力行之

太平府志

陶翀蕪湖貢生戊子大水邑竹絲壩沖決災民無力修築翀獨任之一月告成又捐金五百入宗祠助族中嫁娶他如造塘港義渡等事不可枚舉

太平府志

後健蕪湖諸生事親終身孺慕居鄉重推解嘗捐田六十餘畝入公爲族人婚喪之費歲暮貧苦者給米有差子崇高貢生乾隆辛卯與諸生齊思義貢生曹瑩共捐二千四百金置田爲翠

螺書院膏火

太平府志 蕪湖縣志

趙鳳璽蕪湖人性孝友凡喪葬婚嫁力不能舉者必助之諸姪年四十艱嗣者必爲置妾媵俾有後康熙己丑歲歉嘗捐貲獨修雙港至粽子街大路以工代賑乙未復捐金數百修魯港鎮馬頭行者沾惠

太平府志

鄧溥繁昌諸生嘗置祭田贍宗族婚喪無力者皆資給焉己丑大水溥購大木禦圩隄多得保固魯港鎮火災出資周卹歲歉賑粥并給棺以掩暴露者

太平府志 繁昌縣志

盛可忠繁昌人有友將歿託後事於可忠爲經理之俾其妻胡

氏得以節終康熙庚寅歲災輸穀數百石助賑庚子亦如之及疾革投私簿於火曰毋使後人持此為我名太平府志

王公倫繁昌漁人嘗拾池郡公差公文一角金五十兩不令妻

知獨坐磯畔候其人還之不受謝繁昌縣志

徐光淑繁昌人幼失父母歲時常悲不自勝嘗拾遺金訪還之

不受謝同邑吳殿先拾遺金五十兩還其人又徐擊客游京師

於茶肆中獲遺金一橐候而還之太平府志

仇恆培繁昌人有客攜重資寄其家數日去以暴疾終恆培往

唁客家還所寄人皆稱嘆太平府志

全宗三繁昌農家有餘資即以贖貧之後稍裕遇歲歉合族千

餘指並攜歸同爨食新而止繁昌縣志

從俊繁昌庠生康熙己丑歲歉出穀數百石以贍族人全活頗

眾繁昌縣志

朱士奇當塗貢生父俊好施丹陽鎮東西兩橋西橋毀於蛟復

造費千餘金俊出過半後東橋毀士奇承父志與兄明智弟騰

飛鼎新建造費數千金又重修烏皮橋偶於橋畔拾金五十兩

招其人還之歲歉賑粥數月族鄰計口授米義舉甚多太平府志

崔煥當塗庠生孝事繼母親嘗湯藥嘗有因貧鬻妻者為贖還

之貧苦者歲周米穀以為常里造樓雲橋人不成煥傾囊任之

所費甚鉅又置義冢義渡捐田以垂永久其勇於為善如此太平府志

唐嘉訐當塗人年十五喪父哀毀骨立事母孝友愛諸弟雍正

四年水災所居唐宅圩將破嘉訐出錢米糾眾堵築費踰百金

全活數百家其先有朱熊者居於常稔圩康熙戊子圩將破熊

竭家財以供救護由是得全

太平府志

許成玉當塗庠生事繼母孝有因貧賣媳者與媳家結訟為贖

還以息其事嘗路拾溧水客遺金守而還之康熙戊子水荒首

捐助賑蒙

恩旨旌表

太平府志

王文通繁昌貢生嘗捐數百金倡建宗祠復築室為義塾又多

架餘屋以居族之無依者凡族有不能婚葬者必竭力助之

太平府志

吳嘉鑑繁昌諸生家初貧後以服賈稍裕嘗分給族鄰之貧乏

者雍正丙午水災賑粥數月又減糶以平市價子世洪有父風

嘗獨建海子港石橋乾隆辛未乙亥丙子並煮粥賑饑復出穀

千餘石減價平糶其父子世居魯港故義舉在蕪邑者居多

太平府志

陳鑰繁昌貢生乾隆乙巳歲祲捐千金助賑邑人賴之

繁昌縣志

朱家瑾蕪湖人候選理問鄉里有義舉如創書院修學宮必傾

囊助之歲歉出穀賑饑疫施藥歿則施棺經久不怠子廷耀乾

隆五十年旱災捐穀四百石助賑季子廷熙歲暮必以錢米賙

給鄰里行之數十年無德色

蕪湖縣志

姚從濬蕪湖人家貧歲迫雪夜從一僕至戚友家通有無足蹴

一物拾視之乃囊金也僕喜以為天賜姚正色曰人命係此可

以為利乎立風雪中俟其人還之

蕪湖縣志

程炳蕪湖諸生邑有錫類堂為收養貧病掩埋枯骨之所經費

不足每至支絀邑令屬炳司其事製藥施棺十餘年賠累千餘

金皆鬻產為之中年尚艱於嗣後乃連舉三子

蕪湖縣志

夏喜當塗夏廷進僕也廷進合門疫死僅存一孫名起泰方在襁褓喜傭工養育之稍長措置脯脩使就村塾又買地葬其兩世遺骸積三十年買田九畝屋三間以供起泰喜終身不娶及卒起泰製服以報之太平府志

張旺當塗庠生張正大之僕也正大六十無子納妾楊氏甫孕而正大卒遺腹生一子名翰家極貧旺日夜傭工供養正大之妻妾及翰衣食終身不改後翰得成立楊以守節蒙

旌皆旺力也卒年八十二太平府志

陳錦當塗諸生敦行孝弟嘉慶十九年旱捐資六百金助賑妻

俞氏亦賢姑病顛天求代姑尋愈當塗縣志

徐俎當塗貢生慷慨樂善陽龍橋向係土木所成俎易以石又

捐數百金獨建八畝橋行人頌德當塗縣志

謝元鏐繁昌增生與弟監生元鋒並好善樂施嘉慶十九年歲饑各捐銀二千三百餘兩倡義平糶同邑監生李祚經亦捐銀一千一百餘兩平糶事聞議敘元鏐元鋒

恩給縣丞職銜祚經給主簿職銜又監生李鍾奇李燦明庠生李蓉枝

湯維善巴光耀各捐銀五百數十兩並

恩給從九品職銜繁昌縣志

吳希蘭繁昌人道光三年邑遭大水希蘭捐千二百餘金買米平糶事竣不願議敘大府義之給以任郵可風扁額司册上舊志

唐允球字右琳當塗人從九品銜孝友好義捐賑施衣濟人緩

急傾囊不少惜嘗助建育嬰堂督修平湖埧焚積券萬餘金又

精究方書活人無算自五十後遇生日輒施米百餘石年七十

三無疾而逝當塗縣志

湯宗銳繁昌監生乾隆四十九年水災賑粥五十年大旱糶穀

賑饑捐修學宮繁昌縣志

張成淦字聚堂當塗貢生急公好義捐修學宮采虹橋助建育

嬰堂又造襄城橋修鐘樓移火藥局築金桂塔石岸皆獨任其

事歲荒賑粥施絮助棺計五千餘具當塗縣志

許仁蕪湖人嘉慶十九年歲旱倡捐平糶道光三年水決鳳林

圩倡捐督修卒於工次圩民為位以祀之蕪湖縣志

陶文綬當塗監生道光初獨建彰義橋當塗縣志

陶之鍾字省吾當塗增生詹事府主簿銜嘗輸田置義倉周卹

族黨里中善舉皆踴躍捐輸當塗縣志

陶之錚字樂堂當塗人州同銜嘗督修官圩隄倡捐助賑邑築

平湖埠建育嬰堂均捐重資他如埋齒糶粥施藥施棉諸善舉

樂從不懈當塗縣志

鍾棉字上農當塗附貢住薛鎮道光辛丑己酉叠被水災棉在

本鎮倡捐糶粥活人無算乙巳年倡辦豐備倉積穀三千餘石

遇饑散給貧民當塗縣志

謝葆和蕪湖舉人道光開倡捐興辦同仁同義養濟育嬰諸善

舉咸豐中從溫州鎮吳全美征剿卒於軍營又濮運桂創立體

仁局撫卹孤貧理問濮鈐接辦局務道光辛卯球濟水災蕪湖縣志

陳上珍當塗歲貢歲歉貧不自給猶分食濟人課徒有貧而力

學者不計脩脯必獎成之當塗縣志

陳球字東序當塗庠生候選州同邑建育嬰堂築平湖埠及歲

饑平糶皆樂輸重資修家譜建宗祠均獨任其事當塗縣志

李慶莊字端民當塗人候選鹽知事好施與親朋貧苦者不惜

資助邑建育嬰堂捐田八十畝歲饑平糶賑粥給絮皆慷慨樂

輸當塗縣志

經政廷蕪湖人議敘運同獨力任修學宮逾年告成

蕪湖縣志

汪浩繁昌監生施粥賑饑散給絮襖每歲行之不倦

繁昌縣志

鮑攀鳳字鳴岐繁昌人府學生每歲持金詣錦衛洲收檢枯骨

分別男女瘞於丁家山清明日在橫鎮兩隴挑培荒冢行之數

十年

繁昌縣志

湯如金繁昌增生每值歲歉偕弟如玉等捐糶賑饑

繁昌縣志

吳瓊字又黃當塗歲貢少貧苦力學以衛籍兼辦漕務或以干

金賄之瓊正色拒絕晚年好學不倦士林多矜式之

當塗縣志

吳其雙字秀夫當塗廩生自幼以孝聞晚年積祠穀理宗譜屢

遇水祲倡捐賑濟又置義冢揜骼埋齒著有丹陽湖辨菜竹居

吟草

夏忻景紫堂文集

姚在濱字朝傑當塗人州同道光三年水災周濟族鄰計口給

食次年麥熟乃止邑修學宮建育嬰堂均竭力捐資有鬻妻女

者必保全之買地掩埋枯骼無算

當塗縣志

韋運煌字朗齋蕪湖舉人嘗倡捐修理學宮浮橋及水災辦理

賑務兩署教職在甯國縣辦團勸餉親歷四鄉在安慶府率紳

建造學宮考棚遇有寒峻助以膏火嗣選亳州學正未任卒

蕪湖縣志

縣志

呈册

劉翊宸字峻峯當塗附貢世居博望鎮祖監生諤廷多義行嘗

捐助育嬰堂四百金父監生景周患疝十六年翊宸侍疾不懈

邑建學宮及本鎮建文昌宮皆倡捐以助又焚積券三千餘金

當塗縣志

呈册

Blank columns for text on the right page.

重修安徽通志卷二百五十七

人物志

義行 十一

廬州府

漢陳翼字子初廬江人出見馬傍一人病呼曰我長安魏少公
 聞廬江樂來遊今病不能前翼迎歸養之有金十餅帛二十疋
 既死翼賣帛買棺衾以餅置棺下騎馬出入後其兄長公見馬
 告之吏捕翼具言狀長公於棺下得金叩頭謝以十餅投其門
 翼走長安還之廬州府志引廬江七賢傳

宋呂士元巢縣人哲宗朝立十科法士元上疏懇切不報歸而
 憤曰當今蔡確蔡卞呂惠卿章惇四害未除吾等困老田閒與
 世無補乃去東山二里抱書投橋下朝士王巖叟朱光廷咸惜

之因名其橋曰抱書江南通志

元張順興合肥人出米五百餘石賑饑後至元五年旌其門廬州府志

吳寅合肥人元末寇亂村民欲避去寅曰不如協力守遂營壘儲蓄備器械以待之賊至悉力戰守村得保全以勞瘁死鄉人立碑於其墓今存合肥縣志

明楊宗廬州人父重三從太祖立功授成都中衛指揮同知宗

當世官乃讓與弟襲偕弟至蜀為別業以居一日子入市得遺

金告宗曰汝得而喜彼失而憂矣命往候失金者還之江南通志

孫日龍廬州人為里老有鄰婦以貧鬻於外郡者日龍白於官

捐金贖歸為之擇配年祿貸官糧四百石以賑江南通志

陳本忠無為人正統庚辰歲歉輸米九千二百斛子志高輸二

千斛志達輸八千八十斛以備賑又憫流民露宿為屋百楹居

之施粥二月以食饑者俱奉敕旌同邑朱燦輸米四千四百斛

又朱亮設粥日食數百人旌曰尚義之門江南通志

薛崇禮廬州人應選貢讓於師後又當歲貢復讓於友居家孝

友與兄崇仁俱為時重江南通志

董淵合肥人正統間出穀千石助賑優免差役合肥縣志

王閏汪德中方景俱巢縣人正統五年歲歉各輸穀五百石姜

禮輸七百石七年王閏與穆正各輸一千五百石旌為義門廬州府志

巢縣志

戴庸趙賢俱巢縣人景泰四年各捐穀一千二百石助賑詔旌

其門同邑方恂姜浩李景汪彥玘趙贊皆以助賑給冠帶廬州府志

縣志

郭本彥舒城諸生成化十三年大水賑粟千斛宏治五年復大

水賑亦如之舒城縣志

丁浩無為人成化間饑出粟三千二百斛助賑又煮粥以食餓

者詔旌門建坊無為州志

呂銀廬江人嘉靖時饑捐穀五千石賑濟敕建坊旌為義官廬州府志

馬福無為人居孝友嘗出游遇風雪宿於村僻有婦夜干以

私厲色拒之不俟明而行邑欲修學福首捐金為之倡廬州府志

杜濂無為人客蕪湖嘗兩拾遺金凡數百俱俟其人還之江南通志

汪一耀舒城人嘗適皖拾遺金守而還之舒城縣志

盧九垓廬江歲貢官揚州教諭捐數百金修葺學宮歲祲運穀

千餘石助賑事載揚州名宦志廬江縣志

楊舜漁無為人義命自安一門之內自相師友里中目為楊古

人子維嶽鬻產助餉聞流寇之難絕粒以歿江南通志

李篋生合肥人以普濟為念解推不計多寡冬備襦袴及米待

里之無衣食者戚友婚喪隨時周給萬厯間歲大祲仗義捐輸

存活無數廬州府志

張澄廬江人以庖為業遇時物必畱以奉母孝養數十年如一

日嘗於蕪湖拾遺金又嘗糴李姓穀內有白金並還之江南通志廬江縣志

王信九廬江人歲饑捐粟九千石辭不受旌廬江縣志新增

沈曄合肥人曾知利津縣多善政告歸後崇禎時歲饑設廠賑

粥次年復大疫捐資數千施棺掩骼又於三河鎮獨建沈家橋

人無病涉廬州府志

胡景裕舒城人事親以孝聞崇禎間桃城浮橋圯景裕獨捐三百餘金重建往來德之舒城縣志

徐日升合肥人事繼母以孝聞歲大祲出積粟六千石倡賑一時慕義相效肥民賴以全活廬州府志

許國忠合肥庠生歲旱輸粟五百石助賑修理城垣周郵貧乏多義舉廬州府志

徐一鸞舒城人還遺金賑歲饑善事甚眾壬午城陷年八十為賊執不屈死舒城縣志

孫朝傑無為人歲祲悉計里中貧乏者授之食眾賴全活一日適西山李姓李他適惟一婦在日暮虎暴不可行朝傑使婦扃其戶而身宿戶外藉草以睡及曙而去廬州府志

許大器舒城人明末寇變立寨龍河保守全活甚眾授遊擊冠

帶後為賊所破不屈死舒城縣志

李雲仍合肥庠生歲饑捐穀三百五十石助賑流寇徧城捐金募士絕城擊之賊為之退卻廬州府志

李先綦合肥諸生寇徧郡城邑令熊文舉誓與城為存亡先綦輸粟千鍾為畫戰守計文舉守西城以東城委先綦賊知西門有備盡力攻東先綦率死士衝之斬殺無算賊以火攻令士各

取土一筐壓之火息而賊氣沮稍稍引去潛出尾其後又斬無算未幾文舉去有幕府兵從南來者漫無紀律城中疑為賊兵

從而殲之遂以擅殺坐先綦罪大辟會城陷得免不知所終廬州府志

蔡廷篋蔡禔皆合肥人歲連祲累輸粟以賑家本素封遂以此

落不悔又王明舜亦以竭力賑饑致家中落廬州府志

邱宗開合肥庠生寇亂時出資練鄉兵保禦得免賊害同邑王典居南鄉寇警避其地者數百人典以所居分處飲食之皆得全活又胡志鴻寇亂後移居鄉莊親黨多依以全活不能婚嫁者助之廬州府志

陳銳無為人歲禮出穀六百斛以賑同邑耿大化四世同居歲禮亦出穀六百斛助賑無為州志

夏閣無為人道拾遺金守而還之善岐黃施藥救人無算無為州志國朝宋儒醮廬江諸生明季流賊入其鄉中有一人大呼曰此予

恩人宋公里也眾問故其人泣曰予年十歲時父賣我償債遇宋公助銀全我父子今我報德時也遂麾眾而退順治間歲饑

儒醮出穀千斛助賑江南通志許肩廬江庠生明季寇至同姪武進士可鏢挺身捍拒賊不敢

偪其鄉順治間傾資給里人牛種為一方所賴廬州府志

陳魁甲舒城人明季寇至偕里人保聚鹿起山千家賴以無患烽火之餘白骨遍野飯僧拾幣為大冢伏臘祭之數十年廬州府志

朱九如舒城庠生韋三經僕也明季寇變三經一門皆遇難遺孤從紀僅六歲九如與婦張氏棄其女負從紀逃承平後歸夫

婦力耕以養從紀為完娶讀書入郡庠可謂難矣舒城縣志丁時捷無為庠生順治九年旱捐米五百斛賑粥同邑諸生沙

裔昌歲饑捐米一千七百石助賑子可續康熙間捐穀賑饑設立義冢五處廬州府志

張勝宇無為人嘗拾遺金踰年還其人瘞露骸助婚嫁賑饑造橋善行不一卒年九十四廬州府志

劉萬仲合肥人嘗拾遺金訪之有山東賈人醉遺其橐疑為主

人所竊正在紛爭萬仲至驗之良是舉而還之各叩首謝願分

半不受廬州府志

陸爾綬巢縣人嘗拾遺金守而還之廬州府志

李琪合肥武舉明季大荒捐貲糴穀以賑順治九年米石四千

琪置簿計口受糧月三次以給焚貸券盈尺康熙十四年旱蝗

復出穀以貸不取償江南通志

孫遇選合肥人明季旱輸粟賑粥順治間米價大昂與其弟遇

聘輸米數百石助賑廬州府志

李錦林廬江增生工詩文尤好施濟焚券賑荒每多義舉邑澤

宮毀於寇四十餘年繕修未備錦林贊成之又獨力重建兩廡

卒年八十七廬州府志方君佑廬江人康熙己未饑君佑捐穀六百石助賑巡撫徐國

相旌以扁額廬州府志

許祝年字樸齋廬江廩貢選沅陽教諭以親老不赴後考授主

事邑遭水旱首捐穀數百石倡賑修學宮及明倫堂子望齡又

承父志修名宦祠作枋河橋義舉甚眾廬州府志

朱維世舒城諸生性孝好施助嫁娶喪葬恤孤寒貧乏立義冢

施棺槨親族多待以舉火一切義舉知無不為雍正九年

旌表建坊江南通志

趙觀乙合肥人順治乙酉舉人置義田修族譜歲饑鬻產以賑

疫則施藥療之多所全活嘗自題其齋柱云立心行善非求福

教子知書不為名廬州府志

潘恆騰舒城人家貧嘗夜拾遺金坐以待旦俟其人還之同邑

姚守堅江自孔皆以還遺金聞廬州府志

吳姓廬江諸生康熙戊子江南大水糴米以賑繼而疫作復施棺數百具廬州府志

金芝蘭廬江歲貢康熙庚寅歲饑出穀五百石助賑廬州府志

馬祐合肥歲貢每歲歉輸粟賑濟疫則施藥施棺有鬻妻償債者出資全其夫婦家本饒竟以好施中落廬州府志

王希曾舒城歲貢嘗讀書於客館有少婦挑之堅拒不納廬州府志

靳宏毅舒城諸生慷慨好善廬州試院舊張席棚為號舍歲科試偏仄欹斜不得舒展遇雨尤窘知府徐某思易之而艱於費

教官余某以語宏毅慨然任之一時稱盛事云廬州府志

傅國佐合肥庠生康熙間早出穀數百石助賑又捐資修復府

學樂器祭器族姪少孤撫之成立置義冢賙貧乏人皆重之廬州府志

宋學悟無為人親歿終身茹素家貧嘗拾王某聘媳禮金某取

金不得疑為冢婦所匿婦不能明將就死學悟聞之急呼某至

告其遺而還之全生全婚兩善備舉後家小裕修橋造渡義無

不為廬州府志

朱光照廬江人乾隆乙亥歲饑首捐三百餘金備賑募義者效

之全活甚眾廬州府志

褚家璿合肥廩生嘗拾遺金還其人又嘗捐資全人夫婦廬州府志

趙炯合肥貢生東關外大河北岸崎嶇泥溜炯獨捐金甃成石

路乾隆間歲歉捐米數百石助賑廬州府志

李耿忠合肥人援例當授官以母老不赴選乾隆間早出穀千

斛周濟鄉鄰又置義冢以葬孤貧捐修橋梁道路善行不可勝

紀廬州府志

重修安徵通志

卷三百五十七

人物志

義行

廬州府

蔡天泰合肥人少孤性孝善事祖父母及孀母倡恆善局會以施棺木乾隆間旱於撮城鎮捐賑人日給米半升又有田鄰數十家饑乏待斃天泰見之量其家口人給錢數千無死者廬州府志黃存義合肥人嘗捐千金置產稅其租以濟寒士鄉試之費又捐七白金房舍為廣益局公所廬州府志

周朝鼎合肥諸生與兄朝鼎友愛無間先世遺產二千金盡以讓鼎不受鼎曰兄五子食指繁多我可自給無需此也後鼎更貧猶以館穀資之廬州府志

白廷俊合肥貢生乾隆乙酉捐銀千兩修浚城隍乙巳歲饑復捐銀二千兩助賑廬州府志

王廷珍合肥諸生孝事繼母族中孀幼無依者悉衣食之乾隆間旱捐麥八百石銀二百兩按戶以給來春復借籽種百石家

由此落廬州府志

蔡卉字丹亭合肥人乾隆丁卯舉人父泰來性好施予每歲暮捐米五十餘石散給族鄰凡五十餘年泰來卒卉遵行之又數十年後以明通榜官旌德教諭加捐國子監典簿廬州府志李鼎合肥人歲歉捐穀助賑親族就食者數十人母登大耋鼎亦六十餘每進膳孫曾侍側以承色笑後五世一堂合家同慶廬州府志

高珠舒城人每歲暮散財周急又分田數百畝贍濟親族嘉慶元年與千叟宴以候選同知加一級並邀

恩賚如意壽杖綾緞等物子珍幼負才名能肩大事七門堰久毀珍屢清理原委上下墻田均蒙其利廬州府志

何芬舒城人例授知府邑建龍山書院樂輸數百金卒後三子

恪遵遺命乾隆乙巳歲饑出穀數百石輸官賑濟邑民賴焉廬州府志

府志

董正字鵬飛合肥人乾隆丙辰舉人知安遠縣興義學減工稅去虎患多惠政子世掌候選運同甲戌戊子丙午並捐資助賑共費銀二千餘兩又置義田以贍族捐修府縣學宮巡撫屢以

扁旌合肥縣志

魏國樞合肥貢生乾隆間旱捐穀四百石助賑合肥縣志

吳崇誥字紹伊廬江人候選經歷邑舊有書院廢弛已久崇誥倡輸買地建潛川書院捐置田畝及贖回學田之質於民者歲入租五百餘石充束脩膏火又修學宮葺城垣遇歲歉出粟賑饑邑有義舉率先成之廬江縣志

項仕金廬江人候選州同嘗出資完人婚姻全人節操助賑郵

貧義舉甚多從弟貢生仕才尤孝友好施予嘗捐田五十餘畝以贍族人乾隆戊戌乙巳丙午歲饑共捐銀一千餘兩市米助

賑邑人賴之廬江縣志

江國福廬江貢生乾隆癸亥邑西門外延燒百餘家運錢比屋散給所費不貲災者藉以安葺弟諸生國祿嘗於山東旅舍拾六安劉某金百五十兩守候還之子有貞亦諸生歲暮嘗以錢米賑恤鄉鄰施棉施棺歲以為常廬江縣志

丁茂純廬江人候選理問乾隆乙巳旱同兄茂熾捐四百金助賑又分給戚族銀數百兩廬江縣志

李國梓無為貢生州建崇聖宮改造奎文閣皆慷慨倡捐身董其役乾隆甲申後郡中三遭水患皆輸粟助賑全活無算嘗遇賣女鬻婦者出資全之無為州志

靳宏士舒城人候選知府遇歲歉為糜賑饑或給以米存活甚眾乾隆戊寅捐二千餘金重修學宮其孫文莊能繼厥志癸丑復捐金重建大成門舒城縣志

張佐原姓左舒城諸生嘗拾遺金五十兩其母劉氏命往故處候而還之其人分以謝不受舒城縣志

張杰舒城人衛守備好施不倦歲暮每出錢米以賑族鄰嘗捐千餘金與同邑諸生孫崇禮移建崇聖祠於大成殿後規制一新舒城縣志

蔣郁生舒城人嘗拾遺金守之三日還其人舒城縣志以上舊志

廬辰告廬江附貢雍正初官漢陽府通判以憂歸賑荒修城置義田育嬰堂獨建學宮尊經閣未成而卒子元子寬營產竣其事廬江縣志以下新修

趙洛合肥進士官山西左雲知縣有政聲生平重然諾能急人之急舉人褚文倡歿於都中洛經紀其喪合肥縣志

王洪廬江人乾隆初客合肥有鬻子婦者洪贖之給資完聚廬江縣志

姚葉發廬江人州同銜乾隆乙巳旱出重資助賑復貸數千金自行拯濟是年貢生程朝瑗捐銀助賑監生凌厚積每日施米

自冬至麥熟始罷廬江縣志黃鋒合肥人嘉慶辛未甲戌旱先後輸粟六千斛又買穀減價

糶之合肥縣志孫序賢字墨村舒城進士居三河嘉慶癸酉旱倡捐錢穀辦賑商民皆樂輸三河饑民賴以全活初序賢鄉試江甯為人贖妾

罄行橐三百金舒城縣志

洪佩金巢縣監生嘉慶甲戌旱出資平糶數十里內俱賴以活

是年監生方以禮賑麥六百石淺千緡監生李鉅賑穀二百石

徐文科徐掄元賑錢五百緡巢縣志

張尙耀張廷貴俱廬江監生嘉慶甲戌旱各捐金助賑廷貴又

自賑戶族按口給銀廬江縣志

張鈞廬江監生嘉慶甲戌旱散米數百石晚年授諸子田產別

存租三百石以濟貧苦廬江縣志

王朝選廬江文生嘉慶甲戌旱出穀千餘石濟人而自食菜粥

廬江縣志

董三重合肥廩生拾遺金百兩還其人合肥縣志

沈名采意振吉朱佩蒼俱廬江人並拾遺金還人振吉又有出

貲完人夫婦事廬江縣志

馮啟廣舒城人從九品拾遺金還人舒城縣志

陳世宜無為人在運漕鎮拾黃金一囊待其人還之不受謝乃

立石紀其事無為州志

趙鵲棠合肥人官溫州衛守備嘉慶中捐錢千緡生息為學宮

歲修費合肥縣志

許勳廬江增生嘉慶丁丑與諸弟營田助修學宮廬江縣志

盛達合肥人族有貧而讀者助以膏火商者助以資本嘉慶道

光中兩次捐賑千金病革出借券焚之又監生戴大禮亦於嘉

慶道光時三次捐賑及修學宮合肥縣志

王之路合肥監生道光三年水災收瘞流尸葬枯骨子星軫增

生有窶人欲離婚者助錢粟止之合肥縣志

戴鸞齊合肥廩生道光辛卯水災傾家糧以給親友請官設粥

廩賑濟合肥縣志

戴鴻恩合肥進士官湖南新甯知縣仁厚好義周濟族中孤寡

二十餘年道光辛卯水災倡捐賑濟復捐設牛痘局十有六年

著有漱芳園詩集合肥縣志

戴鴻勳合肥人候選理問弟鴻鈞歿時已分居畱其子四人教

養成立邑有大工作皆經理有條或公項不足濟以己財雖鉅

費弗惜合肥縣志

李殿華字慶菴合肥武生孝友尚義父病禱天請代居喪致毀

析產推多於兄并資助姊妹家數十年中歲喪妻義不復娶亦

無妾婢處鄉里以仁讓人占其田不校焚負券賑水旱恒孤寡

無吝財教子文安成進士官刑部親見孫鴻章舉於鄉卒年八

十四累

贈光祿大夫合肥縣志

蔡有望合肥監生議敘九品家素裕因好施鬻產幾盡見有孤

兒無依為之教養成立合肥縣志

范本泌合肥人每冬備衣食以周貧乏又文生范至監生范楠

皆樂善好施合肥縣志

梁元龍合肥監生獨造東南鄉兩橋從弟貢生元鳳道光初捐

穀三百石賑水災捐錢四百緡置救火具合肥縣志

丁燮元合肥貢生施棺置義地捐田租百三十石助鄉試卷費

合肥縣志

王秉廉合肥監生道光己酉大水散穀二百石咸豐三年賊警

至飢民洶洶秉廉捐糧二千石人效行之一方無搶掠者合肥縣志

計世本廬江人候選同知道光戊申己酉庚戌水災助賑三次

咸豐辛亥捐田百四十餘畝入學宮書院為歲修膏火費盧江志

姚克志廬江監生每歲暮散給錢米絮衣道光戊申己酉水災

兩次助賑咸豐初捐餉三百金廬江志

許家麟舒城貢生道光三年無為州水攜萬餘金偕友李陽春

擇尤困者濟之全活無算舒城志

汪鼎無為監生道光癸未水以千餘金并售田三百金賑之無為志

張觀國無為文生八品銜道光辛卯水決州壩捐貲獨建又孔

目銜汪作壽道光癸巳戊申兩次出資搶救陳家閘黃汰圩埠

理問銜丁敏倫道光辛卯捐米濟荒無為志

季世壽無為人歲歉同姪邦杰捐米以濟族鄰出貲築小新圩

隄置義冢無為志

周啟鄴無為監生道光閒水荒賑穀二百石又有完人夫婦及

焚券事無為志

吳嘉祥無為人理問銜道光辛卯水災賑米四百餘石每歲捐

修江隄施棺送藥無為志

任善榜趙廷謨俱巢縣監生道光中各捐貲助賑水災廷謨又

捐巢湖書院及鄉試卷費巢縣志

鄒雲慶巢縣人布經歷濡須寺塔舊五級道光丙午雲慶增造

二級培植文風費千餘金巢縣志

陳良椿巢縣人祖籍休甯道光己酉大水北門外見子橋圯捐

錢千三百緡獨力重建巢縣志

周有富巢縣人咸豐初捐礮船鐵木數萬斤議敘把總粵匪竄

境出粟四百餘石給鄉鄰又梅在春給練丁粟五百餘石巢縣志

王世溥合肥貢生成豐初元舉孝廉方正修城垣書院包孝肅
祠率鄉兵剿捻於鳳臺殲其魁葛滄隴又招撫淮團之反側者
其後髮捻交煽世溥集練營鎮邪山三圍鳳陽再攻懷遠以功
保知州九年規取廬州卒於軍

贈知府銜蔭子入監著有

小鞦韆川詩鈔合肥縣志

施錦城合肥文生聘妻張瞽妻父請別娶不可竟婚瞽女成豐

三年江忠源延錦城治病遂殉廬州之難妻張投井死合肥縣志

張蔭穀字藍畦合肥文生仁孝尚義吮父瘡得愈成豐三年安

慶陷倡捐糧千石散給飢民六年大旱每糴粟必分半給里中

餓者廬州陷倡議築堡勸耕督戰十年帶練勇堵剿髮捻授諸

子樹聲樹珊樹屏等韜略擊退羣賊積勞成疾卒

恩卹如例合肥縣志

吳璠合肥監生歲祲必捐賑里無餓孀又捐義倉修橋道著有

未園詩集合肥縣志

郭有訓合肥監生成豐五年廬城兵集乏糧有訓輸粟助餉合肥縣志

吳沛合肥廩生傾囊全人夫婦歲歉鄰人舉家餓不能起贈米

活之合肥縣志

龔作楫合肥廩生成豐初安慶陷盜四起作楫白廬州府擒斬

煽亂者又出粟以貸良善廬州陷復悉力捍禦里人賴之積勞

病卒蒙

贈國子監學錄銜合肥縣志

張盛愷字勁筠廬江人候選郎中尚氣節扶植善類周濟窮困

嘗冒險脫故人於難成豐三年縣城陷上書請進兵圖規復十

重修安徵通志卷三十五七人物志義行廬州府

一年賊退助知縣籌辦善後時丁漕暫改抵徵懷甯桐城皆一畝徵錢四百盛愷言廬江畝小積四五畝收穀一石尙不及懷桐一畝所入力請核減得以一石準一畝納錢從軍雉河積勞卒於防所

贈光祿寺卿蔭子入監以知縣用廬江縣志

東宗煥舒城人捐建三叉河石橋二座又舉人程潑捐田以為七門堰溝道興復水利並建橋於溝上衛守備束斌捐建雙濟

永濟兩橋舒城縣志

任湛恩無為附貢每大水必出資力搶救圩隄又有完人夫婦

事無為州志

李兆葉無為人出金完族人骨肉髮賊掠州境竭財團練保衛

鄉里無為州志

張淮無為增生咸豐閒髮逆擾境疊次捐資團練十一年禦捻

匪於白錫嶺保衛鄉里無為州志

劉旺巢縣監生捐粟濟水災咸豐初捐守城及團練費巢縣志

蔡大紀巢縣監生完人夫婦不欲眾知邑中水災捐貲助賑又

輸租百餘石入書院子嘉賓理問銜捐防守費五百金捐租為

鄉試卷資巢縣志

賈大鵬巢縣武生修建橋寺計費千金巢縣志

丁先誥合肥舉人素有鄉望同治年間捻圩林立先誥勸諭平

圩不避艱險以勞道卒照軍營病故例議卹合肥縣志

程煜舒城人訓導有浙人陸辰昌瀕死出百金以老母妻子為

託煜避寇挈陸眷同行給食用三年賊平後賣產得百金加子

錢還之舒城縣志

鳳陽府
義行
十二

重修安徽通志卷二百五十八

人物志

義行 十二

鳳陽府

唐李相壽州人母李媪酤酒市中王緒微時從媪貰酒數負責
又醉毀媪酒舍相怒欲毆之媪躡其足遂止緒舉兵相隸部下
從入關緒為王潮所殺相匿其孤建齊以其少子易名而相呼
軍中果索建齊少子應之遂見殺建齊從相居軍中冒李姓

春秋閩世家

明李賢懷遠人家不豐而好施凡公私營建必竭力以助嘗拾
遺金懸於門無認者乃增資買香木雕大士像供之佛寺後於
路復見遺金遂去之不顧天順閒饑與同邑錢忠張友盛各輸

粟四百石備賑詔旌其門

懷遠縣志

袁鏜懷遠人孝事孀母重義好施歲饑輸粟為倡力辭冠帶學訓張天佑卒於官無以斂鏜以百金桐板治棺贈之且資之歸

平居濟親族賙急難義行尤多

江南通志懷遠縣志

高翔壽州人正統五年以麥三千石助賑至十四年又與華嵩

劉福各出穀二千五百石助賑旌為尚義之門

壽州志

張敏壽州人正統四年出穀二千五百石助賑以羊酒立坊旌

壽州志

張簡懷遠人正統五年輸小麥一千三百石賑饑景泰四年復

輸粟三百五十石敕賜冠帶旌為義門賜璽書褒勞

明史孝義傳敘江

南通志

廖冠平懷遠人正統五年輸小麥一千一百石助賑弟冠正冠

玉景泰閒各輸粟五百石助賑俱奉敕旌為義門賜璽書褒勞

明史孝義傳敘江南通志

鄒茂江浩謝旺俱定遠人正統六年皆以義行旌表

定遠縣志

毛讓邊亨俱壽州人正統七年出穀二千五百石助賑

壽州志

曹格靈璧人父卒於官無遺資格負母舁櫬躬備艱辛始得歸

姑蘇有陸姓者賃屋格旁豢馬積五百金將死以屬格格為之

斂召其子以金付之其子初不知也陸本蘇之望族有顯者知

其事遂以孝廉特薦歷仕魚臺主簿卒祀鄉賢

江南通志靈璧縣志

沈金宿州衛庠生以祖蔭襲指揮同知居鄉好義立義學義社

義冢凡族里婚喪不舉者多所周卹妻亡獨居三十年不再娶

以子一元封昭勇將軍祀鄉賢

宿州志

黃金字良貴定遠人成化甲辰進士歷官廣西參政歸里後值

重刊通志 卷三十五
歲饑民疫設法賑濟自為廠煮粥全活數千人著有東澗集泉

山稿

江南通志

孫守信宿州人慷慨好施鄉里待以舉火者數十家有託以孤子并三百金者為撫之成立而後付之封識如故

宿州志

孫政懷遠人居縣北清溝之陽春雨秋霖淫潦泛溢涉者病焉

政為建石橋木橋各三座以通往來今稱其地為石橋集

懷遠縣志

胡澶壽州人正德閒出穀賑饑嘗拾遺金還其人又買婢已成

詢其為償失馬價銀也遂如數與之歸其女

江南通志

梁鎧壽州人正德閒饑通賦者多遭追比鎧盡為完納有塋產

瑞芝之異

壽州志

張連壽州人遇急難拯濟不遺餘力嘉靖閒饑盡出所積以貸

人不責質

壽州志

徐彥良懷遠人歲歉與弟彥聰捐資賑粥且施棺數百瘞道殣

者

江南舊通志

沈盈懷遠人以賣飯為業蒙城里長解餉赴府遺銀百兩為盈

所得次日回覓盈卽以原袋付之酬以金不受

懷遠縣志

宋義懷遠人嘉靖閒饑捐粟千石不受冠帶撫孤姪恩義備至

邱貧睦親掩骼瘞殮義無不為

懷遠縣志

趙登雲宿州人萬歷閒畿輔饑輸粟三千石助賑詔優獎之子

光大天啟時方震孺為逆璫所逮親知莫敢近光大迎錢於苻

離且資以金後事解震孺著報恩錄紀其事

宿州志

龔一隆壽州人家貧業醫值寇亂有徽客遺金三百兩於空室

一隆拾而藏之俟其還付之

壽州志

鄭倉壽州人嘗獨力建橋置義冢四輸粟千餘石以貸貧民

壽州志

志

方大寬壽州人父臨終以千金付大寬且屬之曰俟爾幼弟長才則與之及長能治生大寬以遺命出金付之而弟初不知也崇禎時流寇突至御史方震孺家居率眾拒守大寬罄資助餉城賴以完

壽州志

國朝程奇肇鳳陽人本徽郡人嘗販豆過長淮時流寇未靖難民千餘人臨流無渡奇肇以豆船十餘艘濟之令量力攜豆為糧船為之空其後復過淮受惠者知之登舟謝強留之為宅以居

遂籍鳳陽

鳳陽縣志

周達延臨淮人順治閒饑捐米三百石助賑

鳳陽縣志

邵光先懷遠人嘗獲遺金三百餘兩守其人還之其孫蘭蕙二人尚幼亦還醉客銀一百二十兩

懷遠縣志

方遠字履雲懷遠人明末歲貢少受學於方震孺震孺以閭禍逮繫遠傾資救之由是知名庚辰歲荒人相食糶粟萬餘石以賑又與靖南伯黃得功善得功被逮遠率士民籲請巡撫史可法奏白其冤比釋還潛桐二邑為流賊所圍已久時得功方統兵往六安遠趨軍門請兼程赴救潛桐得全遠之力也得功偏將馬小山以女妻遠後小山歸

國朝封侯薦遠為京推官以親老不赴

懷遠縣志

方勳遠之弟膂力過人明末聚鄉勇保守村莊佐縣令屢殲巨寇時調發川兵及壽春兵擾害更甚於賊獨憚勳威名不敢肆後馬小山薦為京營守備亦以親老不赴

懷遠縣志

方之鈞懷遠庠生有田百頃悉以分給貧族負券累千百金悉焚之

懷遠縣志

宋無塵懷遠人康熙閒饑出粟賑濟全活無算弟無亢嘗捐三千餘金建芑河之上橋即今仁聖橋無塵之孫昕庠生與宋昱宋起元捐資修明倫堂開青雲路建儒學門膠序聿新宋氏有功焉

懷遠縣志

劉起鳳陽人嘗拾遺金數百兩坐候兩日始得舉還其人叩姓名不答同邑庠生魏朝柱拾遺金百兩覓其人還之

鳳陽縣志

田樂泉靈璧釀酒者一日於甕頭得遺金一封還其人同邑徐謙光得遺金百久俟不來歸命三子迭候之旬有五日始得其人還之又張璵者於蘇州市中得遺金密訪兩日得其人還之

靈璧縣志

尹國泰靈璧人四十無子妻為置妾詢知為良家子從夫宦游被寇掠至此國泰即日遣居別室訪其夫資而還之

江南通志

陳懷禮靈璧人有飢民王姓者以妻為妹賣於懷禮作妾詢得其實即日還之

江南通志

劉應試宿州人嘗路拾遺金追而還之同邑朱輝光石小二皆農夫俱以還遺金聞又有單文多者見道旁有遺金千兩坐而守之其人至驗實付之傅振輦者拾遺金封號有吳懷川字出帖招之至而付之監生楊維尚者於路得遺金二盒久候不至鳴於官而貯之庫

宿州志

李長典宿州人嘗遊滁州見一人將求自盡詢之乃懷銀三十兩償官債為盜所劫遂如數與之且脫裘以贈其人得不死

州志

丁伯雲宿州人候選知縣族有丁擇善者病故其妻劉氏方娠赤貧無依或勸改適劉以死自誓伯雲嘉其志節遣妻迎至家

數月生子易伯雲撫育教誨不異己子後易成進士官廣東觀
察伯雲未嘗有德色

宿州志

戚雲鵠壽州人以木工爲業有徽人謝金英寓所火以箱授之
時倉卒未詳姓名也火息訪而還之箱內白金如故

壽州志

宋傑三壽州人嘗拾遺金二百兩候不至攜歸藏之兩年後遇
其人詢其年月與銀數合舉而還之同邑趙育化亦還遺金百

兩

壽州志

黃應麒壽州人性孝友母病奉侍盡誠及卒哀毀如禮以家產
讓二弟嘗遇自盡者救之得活知爲鬻子失金故乃贈金如數

遣歸

江南通志

胡洪璋壽州人業醫所得必以給寡嫂及兩弟弟涵一亦遵其
教嘗拾遺金百兩訪知爲邵某所遺舉以還之

壽州志

邢對壽州人事母孝嘗還人遺金子兩甘亦以孝稱同邑馬化
亦以還遺金聞

江南通志

楊文章壽州人歲饑出粟以濟族人嘗拾遺金俟其人還之

鳳臺志

林恩鳳陽臨淮鄉人邑東司家村舊有土橋不時衝沒恩捐資
改建石橋人不病涉又置義冢施棺木數年不倦輸粟賑饑卹

貧焚券義行甚多

鳳陽縣志

林澍懷遠人乾隆戊戌黃水溢歲饑煮粥以賑存活者數萬人
子中桂能承父志嘉慶元年修學宮捐二千金又建亭於巽方

又捐二百金生息爲鄉會試者費葺祠宇置義田凡諸善舉隨
時行之

懷遠縣志

湯敬鳳陽臨淮鄉增貢世居懷遠每冬製絮襖百領以衣貧寒

施藥以起疾病建茶菴以惠行旅造文昌閣以振文風有田在
亳州蒙城值歲歉曰吾食其利而膜視其人乎盡捐所入以賑
之嘗客遊吳為蘇撫湯文正所知贈以額曰處善循理懷遠縣志
孫珩字侶蒼壽州庠生州城西北有涵河以資宣洩乾隆乙亥
淮溢由洞口倒灌入城圍廬淹沒珩鳩工相度築月牆石壩開
門水患永息又倡修學宮築南門護岸修東門大橋皆獨力肩
任不惜鉅萬卒年八十五壽州志舊志道光九年奉

旨祀鄉賢祠壽州志新

楊時倬懷遠諸生乾隆間捐修大成殿又於渦河岸築石馬頭
壬午癸未浹年荒歉賑粥平糶全活無算子大成亦捐資獨修
學宮戟門懷遠縣志
楊潤懷遠諸生考授州同知母年九十患目疾日奉而舐之長

兄罹大獄詣官求代不許仲兄嫂早逝遺孤廷瑤甫七歲撫而
教之不異己子每歲暮必蓄錢百十千以應告助者家由此落
而甦勉行之終不悔廷瑤邑庠生亦能好義文筆峯青雲樓皆
其創建懷遠縣志

楊時遇懷遠人平居賑饑卹貧義無不勉嘗屬其子大勳大奎
等重建學宮兩廡後勳等復修戟門建魁星樓能成厥志懷遠縣志
方熙定遠人性孝友乾隆丙午饑捐銀三千兩賑粥全活無算
夏大疫施藥施棺又修爐鎮橋通濟橋不惜重資葺郡考棚士
林戴德定遠縣志

劉明宗鳳臺人乾隆丙午歲饑為粥以食饑者自冬至春全活
無算鳳臺縣志

劉天行懷遠人候選州同乾隆丙午嘉慶辛酉歲皆大饑凡捐

一千五百餘金助賑子尚志尚友嘉慶辛酉捐一千一百八十金助賑又潘名煥候選州同嘉慶辛酉捐一千一百七十餘金

助賑懷遠縣志

方若桂鳳臺歲貢嘗赴省試拾遺金數百兩俟其人還之鳳臺縣志

孫蟠字石舟壽州增生

旌表孝行

監生士謙之弟也據奏案增父珩臨終以義事屬二子使行之遂

遵遺命更推廣焉士謙歿子克任率其諸弟事蟠如父蟠視之

如子壽州淮淝交匯往來所經有橋三已傾圮蟠與諸姪次第

成之易木以石更於其西增置一橋嘉慶五年水災請於有司

設二廠分男女煮粥按口以給凡三閱月大憲綜其事以奏奉

上諭

給蟠道銜克任給同知銜壬戌州又苦旱仍以粥賑八十餘日日

萬餘人事聞奉

旨加賞大緞二疋以示鼓勵甲子春州遭屢歉人益困復行賑粥遠方

就食者日四萬人計時月所費三萬六千餘金堅辭議敘年七

十時辭戚友稱祝命子克任等製棉衣二千餘領以給貧人又

每歲散錢米衣物等行之數十年不倦壽州志

孫克任字莘臣蟠歿後願有未畢者與羣昆季終其事鳳陽考

棚苦偏仄以錢三千餘緡增置十楹又以錢二千四百餘緡權

息製棺通給城內外不限以地又重修學宮計費萬八千餘金

未成而卒其弟克依率諸弟繼成之壽州至合肥有高橋捐資

命克依督成費四千餘金其他義舉不可勝紀先是以理問蒙

恩加同知銜後以歲早平糶議敘復加運同銜卒年七十有五壽州志

孫克儀文生孫克任郎中俱壽州人嘉慶甲戌歲早各捐資賑

饑平糶克儀別出資繕樓設義渡修街道又孫克偉獨捐錢

二千緡為歲修橋梁經費

壽州志 新增

方承永字祚遠壽州歲貢喜施予嘗以藥餌濟人子新能承其志嘉慶十九年捐重資以助賑議敘主簿

壽州志

王心字惟一壽州人候選同知兄言以足疾廢生計心以己田三十餘頃奉之嘉慶十九年命子舉人會出穀助賑得議敘平

居宗族賴以舉火者數十家

壽州志

趙孔德壽州人曾官浙江運副正陽鎮北門外有福公橋長五里歲久傾圮孔德捐資獨修民不病涉十九年助賑議敘加三

級

壽州志

張琮壽州人曾獨修繆家橋魏家橋沈家橋十九年出穀平糶議敘八品銜卒年八十

壽州志

楊敬修壽州諸生州城襟帶淮淝西阻尉湖頻有水患水漲橋

圮為行人病敬修毅然身任修橋凡四一為劉家林橋一為楊家澗橋一為新塘橋一為潘家窪橋凡費錢六千緡有奇

壽州志

以上舊志

李佺字子偃懷遠舉人雍正初任山東長清知縣置田贍士捐

俸賑災改直隸饒陽知縣疏濬河道修明倫堂病歸建黃河橋

置義塾祭田修青雲義塾施棺施藥倡捐粟千石以拯水荒乾

隆十三年祀鄉賢祠

懷遠縣志 以下新修

林中杭懷遠廩貢官歛縣教諭事親以孝聞兄弟閒怡怡友愛

歲饑賑粥復捐萬金全活甚眾嘉慶七年宿州王潮明煽亂中

杭率子弟扼守岫河口民賴以安祀鄉賢

禮科鈔案 懷遠縣志

孫芝蘭壽州文生承父明武之命以千金生息為每歲餽鄰里

親族用子孫踵行之

壽州志

柏節一名大有壽州人主簿嘉慶甲戌旱出粟平糶道光辛卯

後連年水災節日散蒸餅及穀仍捐重資助賑壽州志

宋恪壽州監生出錢二千緡修廣濟局書院嘉慶甲戌歲旱散

蕎麥百餘石同時文生張萬青徐大中俱各捐穀平糶壽州志

張志儀鳳臺人嘉慶中捐修北門大橋并前後街道二百餘丈

孫克仿壽州人都司道光辛卯壬辰癸巳水災三次賑饑又董

修壽臺試院廣濟壩東門城垣均出鉅資咸豐中捐助軍餉晉

副將銜粵捻合圍潁州克仿寓城中捐資募勇守禦壽州志

孫誥祖通判孫崇祖訓導孫紹祖鹽知事俱壽州人道光辛卯

後連年水災各捐金煮粥蒸饅首濟饑全活甚眾誥祖別捐建

節孝總坊壽臺試院修東津東門兩橋崇祖於咸豐中倡捐修

城積勞卒壽州志

周玉路壽州文生道光中水災盡出所藏以周鄉里咸豐中兵

荒盜起又聚族資給貧乏壽州志

顧文炳壽州廩生道光己丑湖水泛溢鄉里賴以舉火者數百

家癸巳水災文炳與姪星衢捐錢萬緡賑濟之壽州志

楊士璣壽州人父敬修建州東門外潘家窪橋道光中士璣變

產千金重修之壽州志

張錫琛鳳臺人道光辛卯水災有鬻妻者稱貸保全之又有劉

玳者出資代人贖女鳳臺志

楊紹禹宿州人道光癸巳年饑賣田以濟貧乏宿州志

宋如金懷遠人守禦所千總以道光乙酉獨設粥廠賑饑議敘

都司又獨修明倫堂捐鄉會府院各試費造宗祠置祭田懷遠志

周兆楨定遠監生歲晚捐送寒衣錢穀醫藥棺槨道光丙戌水

災給送衣食全活為多修葺泮池建立橋梁定遠縣志

許鏡軒附貢許煒軒理問俱懷遠人道光己酉大水鏡軒與潘

繪設四廠賑饑庚戌大水煒軒捐賑米千金咸豐閒鏡軒又捐

軍餉二萬金懷遠縣志

陳汝明懷遠人衛千總道光壬辰歲歉捐資施飯二次全活甚

眾懷遠縣志

朱昌茂鳳陽臨淮鄉附貢道光癸巳歲大饑捐麩五千石鳳陽縣志

鄭祝三穆定昌俱定遠人均拾遺金還其人定遠縣志

李林如朱鳳舞張欽和俱壽州人皆有拾金還人事壽州志

黃青選鳳臺人拾遺錢券還其人鳳臺縣志

侯宏基崔玉芬俱宿州文生陳繼聖宿州文童均拾遺不昧各

還其人宿州志

高長試懷遠人施藥惜字迭次字紙篋中得錢券還其人懷遠縣志

陳化平字東溪宿州附貢署宣城教諭修學宮置祭器署廬州

府教授為包拯余闕置祭田厚贖以歸前任之喪後在籍團練

籌防以勞疾卒宿州志

何錫瓚定遠歲貢甯國府訓導倡捐創建定遠考棚修學宮捐

豐備倉穀籌辦義賑靡不力為定遠縣志

朱衣點鳳陽舉人官江蘇青浦教諭分俸濟貧生母老告養歸

捐資為邑人鄉會試經費鳳陽縣志

李隆章鳳陽人助知府舒夢齡修大小溝口兩石閘置風車斛

水入淮沫河各堡皆食其利鳳陽縣志

易文鳳陽臨淮鄉木工有田足以自養所得工價盡以濟人施

棺並助錢米鳳陽縣志

任珮鳳陽臨淮鄉監生好施耗其產仍賣地典衣以施廩生戴學基亦賣田以救荒邨鄰鳳陽縣志

胡文光鳳陽臨淮鄉人候選同知捐萬金修臨淮二壩一自小東關至東古城一自鐘鼓樓至雲母山皆濱淮要工也又施棺數百具鳳陽縣志

何鎔懷遠舉人孤介安貧嘗以宅代友償債友知之以己宅償鎔弗受交相讓遂空其室懷遠縣志

張蕙懷遠監生家貧典衣途遇鄰人乞貸卽以畀之懷遠縣志

田廣為字載勳懷遠文生咸豐三年募勇數百人偕其姪禦土匪張茂吳猺擊走之弟晚香捐資結水練禦土匪薛小商船數千賴以無恐懷遠縣志

林灼奎懷遠監生焚借券三千餘金懷遠縣志

宋引賢懷遠人州同銜獨建烈女祠又捐錢為舉報節烈及書院膏火寒士試卷鄉會試路費懷遠縣志

魏承久懷遠人獨建蘇家集大橋歲荒調親鄰有善人之目懷遠縣志

年洪鐘懷遠人修荆山東嶽宮及洪溝瓦疇並縣南各橋又州同陳汝霖修縣南上橋懷遠縣志

胡際韶定遠廩生散穀千石倡義團練保衛鄉里定遠縣志

周兆桐定遠監生廬無巢等處水災掩鬻賑饑為蘆棚以棲難民有鬻女者代贖之并贍其家定遠縣志

陳一籌定遠文生咸豐癸丑邵宿水災一籌分繕蘆棚以居竭囊周濟勸捐不足稱貸益之兄澍培亦好善有鬻妻者給資完聚先是災民陳姓鬻婦一籌濟之而止後復鬻一籌姪鈞澤仍

給資止之定遠縣志

張汝蘭壽州監生咸豐初集村團數百戶散穀二千石置械築

圩以禦髮捻一方安堵壽州志

孫培根壽州監生早孤析產推膏腴與兄散米施棺置義冢築

堡團練保衛鄉里壽州志

張全傳壽州人捐資濟旱荒又捐地數十畝作義冢壽州志

張錦秀壽州人施濟鄉里有求必應咸豐初輸粟三百石聯保

築圩以資捍衛壽州志

朱文沛壽州人家貧業醫有田數十畝悉與其弟得醫資輒賙

貧乏壽州志

柳擴郢柳柄郢壽州人共鬻田宅代伯兄償債柄郢別焚蔡姓

借券三千緡壽州志

石振甲字竹垞壽州附生咸豐初集團練保衛鄉里苗逆之叛

也州城陷而州以南獲全振甲力為多署潁上訓導卒壽州志

張法典壽州人六世同居焚借券數十紙壽州志

柏雲開壽州人與阜陽李耀友善耀病日瞽雲開迎養之事耀

母如母為服喪三年阜陽縣志

方肇嶠鳳臺附監生除夕獲偷兒給錢米使改行資給鄰婦保

節贍孤教之成學鳳臺縣志

張得位鳳陽人從九品銜四世同居無閒言歲歉有鬻妻鬻子

婦者給資全活完聚之焚借券不責償鳳臺縣志 壽州志

劉維榮字嶧桐鳳臺人母歿哀毀絕葷酒三年常德府人尋親

遇盜維榮助資送歸又嘗助瞽者金苗逆犯壽州有吳某餓幾

斃維榮解囊相助得不死鳳臺縣志 壽州志

邵開濬宿州文生撫諸兄孤子有恩助修黌宮外垣費三百緡

宿州志

黃椿齡宿州監生軍功同知銜幼侍父病累月不懈及長好施

與歲除以錢餅贈數百人捐修城垣奎樓團練保衛鄉里

宿州志

丁長庚宿州人咸豐八年以己田十數頃築寨禦捻賊被攻四

十日隨方堵守闔寨獲安鄉里義之

宿州志

沈緯靈壁文生置義田贍族又文生呂蘭坡修學宮增祭器建

敬一亭

靈壁縣志

潁州府

唐常彥能汝陰人家富好施朱溫攻淮南過潁潁人畏避溫怒曰軍回當屠城至淮久雨乏糧彥能自以家貲餉軍溫喜欲賞以官不受溫曰汝何欲曰潁人畏王威逃遁不敢迎幸察之貸

一城生命溫從之潁人得免於難

江南通志

明武英潁州儒士景泰四年潁饑捐麥八百石倡賑於是官紳

相繼出粟鄉里賴以全活有司上其事旌為義民

潁州府志

董勝蒙城人嘗出貲修學校捐粟千斛濟貧

潁州府志

王守仁太和人隆慶四年饑輸米數百餘石助賑縣上其事旌

為孝義之家

潁州府志

李文明亳州人以鄉貢授武英殿中書萬曆四十三年亳大饑

文明捐米一千五百石助賑救賜蒼生寄命四字旌之

明史孝義傳敘

江南通志

張文甫潁州人以旅舍為生有寓客遺白金五十兩密存之還

其人子珣繼其業有遺布二捆者駕舟追送之

潁州府志

張四重太和人宿旅邸有女奔之不納嘗有客寄以千金數年

後來取封識宛然江南通志

卜宣潁州人博學有大志需次貢北雍憫副薦謝節貧願讓焉

督學不許宣固請乃許之仍給宣貢例銀兩宣又以佐謝甘旨

督學益嘉其品後仕南部令以除巨寇忤上官意謝歸江南通志

增

鄭嘉猷霍邱人官南京衛經歷萬曆時饑捐錢米助賑活千萬

人同邑萬忠徐興祖姚得山李璵李珉皆以輸粟千石助賑旌

為尚義之門又陳鏞李義王崇禮胡義朱理王暘胡敬俱以輸

粟五百石奉旨旌獎江南通志 潁州府志 霍邱縣志

張倫潁州人家饒於財計一年衣食外盡以施濟及修築橋梁

穎苦驛馬為累倫獨任勞費積困得釋潁州府志

陳試穎上人嘗拾遺金於路守而還之江南通志

徐嘉猷潁上人歲饑出粟平糶邑之通賦不能完者盡為完之

流賊圍城竭力守禦得全江南舊通志 潁上縣志

周吉霍邱人捐田租七十石永為闔族婚娶之助霍邱縣志

裴服冕霍邱增生嘗拾銀百餘兩并一長單有錢糧花戶名目

惻然曰失此者不易償乃佇立至日午得其人還之霍邱縣志

胡甫霍邱庠生嘗得遺金八十兩於舟中艤舟不發俟其人還

之潁州府志

周太和亳州歲貢天啟時郡縣為魏璫建生祠邑人集議太和

挺然出曰士獻一日之媚而千秋之議可乎事遂已潁州府志

林肖生霍邱庠生少喪父哀毀幾至滅性竭力事母撫弟妹成

家助縣令辦賑為人所稱嘗於六安拾遺金守而還之有楚客

病旅舍為延醫療之贈資還里又嘗獨力捐修賈家溝橋潁州府志

夏之時太和廩生有巨室遺孤託產千金絲毫不染嘗白為人
所誣盜者保全二十八姓又集鄉勇扞禦流寇安戢數百家州

府志

何遷蒙城人嘗拾遺金舉以還之封識宛然府志

康衢穎上庠生鄰女夜奔正色叱之有金姓者臨歿以八百金

贈之卻而不受江南舊志

汪長清霍邱武舉歲饑輸粟賑濟賴以全活者甚眾里有不能

婚葬者貸之不責償府志

李崇德穎州衛人振貧乏修橋梁凡益人者力行不倦有鄰以

地售曰吾世鄰忍售汝地乎助之以粟而去弟早卒教育諸孤

無異己子江南通志

韋謙穎州人崇禎閒盜賊蠡起謙豫築寨練鄉勇為守禦計乙

亥辛巳兩禦劇賊攻圍皆逃去奪回剽掠人口量遠近安集之

於婦女守視尤謹有馮姓者吏索賄誣為盜又有被誣陷大辟

者皆為白其冤嘗買婢已成知有夫家即遣去不索值又築定

香廟栗頭店兩橋後上憲疏請授遊擊將軍不就府志

趙勤穎上趙天錫僕也流賊掠江口家人俱避屬勤畱守錫偶

返舍而寇至勤匿錫於積薪中賊詢其主所在羣撻之刃其腹

幾死而終不言江南舊志

王象新亳州人崇禎閒捐助兵餉授汝甯通判府志

劉嘉愛穎州人祖母病嘗糞以審吉凶軍人劉虎解餉遺五十

金嘉愛拾得即還之府志

國朝吳自勵穎州歲貢明季例任通判以養親不就後乃隱居不

入城市者四十載父卒教育幼弟凡田舍之美者悉讓之友人

劉某臨終以千金付之屬俟其子家業蕩盡始與之已而果然聞其悔召而還之乃拜謝去卒年八十四府志

葉望軒霍邱人順治初土寇梗化官軍會剿師次太平集望軒具牛酒犒師同邑庠四生詣營懇請招撫督軍者感動允其請

一方賴以保全霍邱縣志

劉炳字煥之穎上人嘗從平南將軍征粵有戰功事平僑居於粵折節讀書時張爾公卒於粵遺正字通一書有欲自取付梓

者炳怒曰與人交而掩其名可乎乃費千金為爾公梓之穎州府志范文炯字含章太和庠生順治十四年邪教倡自河南太和民

惑之文炯詣官備陳其害捐資助公歲餘悉平穎州府志劉淑因字子端穎州人康熙癸丑進士邑有宦家子貧甚挈其婦鬻身他所贖之同歸人問其事曰偶相遇攜還耳劉侍御賓

廷既歿其家流寓姑蘇迎而養之平生好義知無不為家由此

落晚歲築墅城西沿溪種柳人稱柳村先生穎州府志

王吉士霍邱庠生霍苦里長每差派輒蕩產鬻兒吉士與王我格上書大府請行水腳之法一時稱便縣南山一帶為賊藪又

請官軍擒斬渠魁招撫餘孽地方帖然穎州府志

穆文理亳州廩生焚券數千金子諸生宗海嘗因歲荒多餓殍捐資買棺收瘞數百人穎州府志

劉旋穎州貢生少失怙母張氏好善旋應試過旬容值大水傾囊救溺曰母所樂也穎饑煮粥以食餓者活數千人穎州府志

耿文宗亳州人康熙時毫饑家儲豆一千五百石榜於門曰以衣物來易者聽於是破衣做器爭投以豆償之所得不過十之

一二全活極多亳州志

周德宗亳州人嘗拾遺金守而還之又有解恆者剃頭爲業拾遺金俟而還之

穎州府志 亳州志

陳夢玉亳州人每歲暮煮粥食餓施散棉衣行三十餘年不輟兩江總督以厚道是敦四字獎之

亳州志

劉恩霈字雪洲亳州歲貢官行人司行人歸田後捐地獨建柳湖書院焚券數千金

亳州志

王慶澤亳州人捐地十頃爲柳湖書院膏火出粟八千石助賑霍邱議敘同知選膠州歷濱州知州所至以廉惠稱

亳州志

李玉笈霍邱人事親孝康熙間饑變產買穀三百石以濟族黨

霍邱縣志

周宗聖霍邱人康熙間饑賑粥數月全活數千家嘗買米至亳見毫饑遂散其米空船而回他如修橋造廟不惜多金義事甚

眾

霍邱縣志

李岐亳州諸生乾隆壬戌歲歉出米二百餘石煮粥賑饑又施棉衣八百件以濟貧寒楮六百餘具以埋道殣修學造橋義事

不可勝紀

亳州志

李廷樞亳州人家極貧嘗就負販者糴米內有銀十餘兩亟持至市見其人恩忙而回問其故以米中失銀告遂舉以付之同邑劉理路拾一囊內有銀五百兩守而還其人不受謝又關典者爲鋪戶司門晨起拾錢票一百三十千俟其人尋至還無德色

亳州志

張乃願霍邱庠生歲饑輸穀三百石助賑乾隆庚午命子貢生希載在阜陽置買莊田一所費銀一千六百七十餘兩捐入清穎書院以資膏火

霍邱縣志

姚起灝霍邱人乾隆間遇水災竭力捐米百數十石外復廣為勸捐得米四千五百餘石銀一千五百餘兩設廠煮粥邑無饑民

霍邱縣志

楊煥統蒙城諸生嘉慶九年饑捐銀五百兩助賑又修縣南門大街費銀一千三百餘兩他如修渡口浮橋建塔造廟各費數

百金其尤鉅者重建學宮至費五千餘金

蒙城縣志

道光十八

年偕邑人孫登青捐錢二千緡重修學宮二十一年獨捐錢千

緡助修城垣

蒙城縣志

胡巨振太和人乾隆五十年歲歉捐銀一千兩助賑同邑雲戒

欺五十二年捐地十六頃助入學宮

太和縣志

胡民章太和人嘉慶十八年滑縣教匪滋事捐銀一千兩以資

防禦

太和縣志

張育信霍邱人聘余氏女未娶而瞽文父母使人來告之或議勿娶育信曰我聘之而不娶是我先負義也竟娶之生二子三

女偕老焉

霍邱縣志

何清霍邱諸生嘗捐田以助翠峯書院膏火又建橋三座曰東

濟曰利濟曰南濟民不病涉至置義渡建義冢施棺槥善行尤

多

霍邱縣志

王昇阜陽諸生性好義嘗為故人養母撫孤完婚娶族有嫠婦守節眾偏嫁之責以義得保全為立嗣年五十無子親友勸置妾入門憐其稚乃別寢忽一老嫗哭而來曰一女相依不能舍至此思一見耳即還其女命別議婚而以其值為嫗養老費

阜陽縣志

徐步頴上諸生嘗置義田數十畝贍族之讀書者嘉慶初河南

饑流民入穎罄所蓄為食以待餓者有陳某鬻女於步詢知有夫即厚遣之又全一張姓夫婦又陳某僑居南照饑病欲死步衣食藥餌之逾年感泣而去穎上縣志

郭禮先太和監生乾隆丙午煮粥濟饑有高某家火禮先子肇橫厚資助之次子文璜官侍衛道光癸卯水災船載糗糧周濟

千百餘家太和縣志

袁淑身字復葦阜陽拔貢分產贍族撫養孤寡恩義周至阜陽縣志

冊以上舊志

張同科太和人乾隆丙午歲饑質田貸穀分給鄉鄰太和縣志

陳善長阜陽人嘉慶癸酉冬大雪為粥以食餓者道光癸巳捐

糧濟饑阜陽縣志

饒如山穎上文生道光壬辰歲大饑以教讀所積錢穀散族鄰

并施棺施餅穎上縣志

劉金甲阜陽增生道光癸巳出粟千二百石賑饑又武生李廷

璋道光壬辰捐賑水災施粥施藥阜陽縣志

王著平字會泰亳州雉河集監生道光初修本集街道蒙城縣

學宮義倉二十四年獨力修文昌宮渦陽縣志

范志敬太和監生道光癸巳捐賑水災築隄修路咸豐初捻匪

起慮族眾附之按口給糧贍養保全太和縣志

鄧朝選太和人道光中助建淝河橋子昭咸豐閒輸千金築圩

團練破賊岔河救出被擄男女皆資遣之十一年出穀濟饑太和縣志

縣志

常士貴李永錫俱太和監生道光中各捐海疆暨荒賑費一千

三百金又助修書院各八百緡常士貴之孫李永錫之子於咸
豐閒各捐城工兵餉一千三百緡銀四百兩修橋道濬城濠皆
有捐助太和縣志

王家椿亳州人從九品修柳湖書院捐田千畝入養正義學亳州志

陽縣志

吳培元阜陽文生施棺施衣修宗祠置祭田散千金贍族阜陽縣志

唐階椿阜陽監生好義樂施代友人葬母償債息訟費數百緡

代從兄納官項萬餘金至鬻田千二百畝阜陽縣志

耿義阜陽人建大運河橋費二千餘金又監生孫大銘重築通

濟橋費七百緡阜陽縣志

程其煊阜陽增生以五百緡置祭田又以五百緡為家塾費阜陽縣志

縣志

楊廷楷穎上文生候選主簿出資生息為生童試卷及鄉試路

費倡捐修城親督工役又助修橋治道經費穎上縣志

楊廷樞穎上人縣丞銜施棺施衣修橋道設義塾周窘急行之

三十餘年不倦穎上縣志

李承儒穎上人鬻田代人償債六百緡仍祕其事穎上縣志

田粒蒸字硯農霍邱貢生教諭捐修學宮錢千緡霍邱縣志

涂殿魁字一峯霍邱人從九品讓產於兄祭葬獨任之有鬻妻

養母者傾囊代贖霍邱縣志

羅奎光霍邱監生性好施費遺產三十餘頃霍邱縣志

王風度霍邱人都司捐置義冢七處別捐義園一處以葬族人

貧者霍邱縣志

王森太和監生每歲暮出雜糧三百斛分濟貧乏太和縣志

李殿試太和監生疊次變產代叔姪償債太和縣志

張聖儒太和人累世施藥百餘年聖儒建橋修路平糶濟饑太和縣志

縣志

陳文蔚太和人捐城工暨軍需七百餘金其子先後助餉及築

圩費九百餘金修學宮書院疏通溝渠皆有捐助太和縣志

王東陽阜陽人都司同治元年髮捻圍城東陽捐千金助餉巡

撫賈臻旌其門阜陽縣志

馮永裕蒙城人捐錢四百餘緡倡修橋渡道路又疊助軍需蒙城縣志

縣志

李和字調元蒙城范蠡村人府學增生勤課生徒厚卹戚族以

醫術濟人捻首張逆羅致之不能得弟稔廩生帶練禦捻死和

秉節不變肥遯以終渦陽縣志

郭淑亭阜陽人館於同里某家某附苗逆淑亭苦諍不聽遂辭

去阜陽縣志

倪文倉鄧保玉俱霍邱人佃於副貢劉煥家賊至共護匿煥母

得脫而身蹈白刃均死之霍邱縣志

陳保太和人備李作賓家作賓遇賊被害保力鬪死太和縣志

萬維年字餘三宿州符離集農人也性骨鯁識字周文忠寓居

宿州招維年為主計文忠薨家人咸禮敬之咸豐五年賊圍宿

州文忠家北徙委維年守符離屯積且戒之曰苟事急亟去毋

自苦後賊掠符離維年守益力格殺數賊不敵被創死周光准文集

自昔... 大文... 清... 初... 時... 去...

重修安徽通志卷二百五十九

人物志

義行十三

滁州

宋吳悅全椒人嘉祐中與僧行悅建積玉橋五年而成全椒縣志

仲寶滁州人靖康中劇賊李成偪城下寶率眾拒戰食竭援絕

不變城得全眾咸義之滁州志

明陳通全椒人正統七年輸粟一千一百石賑饑旌為義門江南通志

魯淮字東之全椒歲貢謁選時得遺金三十於邸舍候其人還

之仕至沅陵知縣全椒縣志

孫恕來安人張全養子正德六年全官貴州吏目夫婦俱染瘴

重修安徽通志卷二百五十九 人物志 義行 一 滁州

死怨經營稱貸開關數千里負其骨歸葬滁州志

趙輝全椒人世襲百戶正德七年遷建學宮輝首捐己地以益

之同邑吳淮吳漢吳溥吳沂吳岑秦琪秦珊秦琛謝寅馮碧徐

華林寬曹瓛王瑀金鑑等亦各捐地有差後建敬一亭輝子文

復捐己地廣之全椒縣志

金印全椒人性孝友析產推腴於兄嘉靖二年歲祲易產濟人

盡焚其券嘗見一婦抱兒泣於河干問知其夫疫死欲就溺救

而贍之其他如修橋葺路施藥施棺義行不可勝舉滁州志

王慶來安人嘉靖甲辰乙巳洊饑慶出穀千石助賑全活甚眾

來安縣志

人蔣文昇來安人嘗拾遺金百兩於旅邸訪知為無為州解役所

遺追而還之後文昇渡江墮水若有人扶之上者獲免來安縣志

康貫字汝一全椒庠生嘗築室得一窰巨石覆焉貫曰此古墓

也趣掩之又嘗讀書寶林寺同業者發瘞金分之卻不受全椒縣志

楊崇字渭川全椒庠生父西疇賈六合拾遺金還其人崇孝友

好義嘗捐貲建拖板橋易木以石築城之役又與舉人王作霖

生員黃烱盛會義民隨朝等各徙宅以就城基滁州志

吳鏞全椒人與弟鈞創立社會以資任卹諸凡吉可慶凶可矜

者咸取給焉時稱為義舉全椒縣志

胡淪全椒人有蘇人夏姓者遺金五十兩將自縊淪如其數與

之得不死後生五子皆成立滁州志

張森全椒人早喪偶鰥居四十餘年不再娶嘗屢拾遺金皆俟

其人還之滁州志

吳謙字體泉全椒人父卒哀毀念母老恐病不忍聽之庸醫遂

精方藥事三兄推讓有加性好施嘗拾遺金還其人全椒縣志

魯須薦全椒人禮部儒士萬曆四十五年旱蝗捐銀一百兩穀

一百石備賑同邑監生晉三接亦捐銀一百兩穀一百石助賑

又馬良崇禎十三年饑捐豆麥各百石助賑全椒縣志

傅高全椒人歲饑出粟助賑嘗獨力捐巨貲建一橋人不病涉

至今稱傅家橋同邑王湖置義渡建菴司之且買田為修繕計

江南舊通志全椒縣志

王鳳臺來安庠生嘗遊楚值泗州馮應京以抑稅璫被逮激於

義從之至京繫獄經年護視甚至後馮以星變得釋鳳臺始歸

人高其義全椒縣志

許一虎滁州人崇禎九年流寇備城曾矢石獨殺數十人賊解

去後聲言用浮簰渡河一虎又乘夜劫之以寡援死人咸義之

滁州志

黃都全椒武生崇禎九年流賊破和州掠江浦轉掠全椒都與

防守參將薛邦奇計預埋礮筆峯山下伺賊至縋城出發而擊

之賊知有備遂遯去城賴以全全椒縣志

謝浴德盛大朝俱全椒里長崇禎十四年有加派米豆之令滁

屬計派額外米豆八千八百二十石檄運天津交卸浴德大朝

叩閭陳民疾苦獲邀俞免先是嘉靖時同邑有張文忠者以禮

部儒士伏闕陳滁屬利病十二條下部議行授河南典史全椒縣志

王炯滁州庠生嘗道拾遺金俟而還之滁州志

國朝金若嵩字捷宇滁州人早失恃事父孝撫弟與庶母弟如一

析產推腴取瘠又竭力行義如賑貧放生歲以為常滁驛繁苦

倍他地力懇主者禁加派僉報惟按時授糈所費皆獨任之民

重修安微通志 卷三十九

不為病驛困盡蘇滁州志

周懋德字萃衷來安人性好施濟族黨多待以舉火明季流寇掠境捐貲練鄉勇禦之村鎮獲全來安志

潘紹徵滁州人六歲失恃姨母育之遂蒙其姓嗣父以訟累罹重辟奔訴獲免旅中嘗拒一奔女遂移寓焉晚以子運暉成進士題准復姓滁州志

葉允霖來安人里有因逋鬻女者如其數與之金得止歲旱蝗捐貲賑饑為粥以食捕蝗者來安志

孫如桂來安增生鬻序頽敝誓志修建乃先捐修泮池大殿兩廡諸祠家貲盡傾得邑人周球之助功遂成來安志

任瑞來安附貢父偉烈好周人急瑞承父志歲歉捐貲賑濟嘗倡修學宮殿廡又捐田入書院以備膏火又獨建杜家澗石橋

中年以無子買妾訪知有夫即遣之不取值來安志

袁得貴全椒人嘗為合族置義田以供祭又嘗拾遺金俟其人久不得乃增貲捐建神廟同邑魯時仕事繼庶兩母皆孝亦以還遺金聞滁州志

江名標全椒人康熙辛丑武進士忼爽好施每遇歲饑捐貲倡賑乾隆十年設賑粥廠身自督理大府以仰承德意旌之全椒志

羅正來安人嘗拾黃金六兩訪其人還之來安志

吳顯祖全椒人候選府通判乾隆三年歲饑捐金二千助賑又嘗獨力重修崇聖祠平生好善樂施戚族待以舉火者甚眾全椒志

王廷棟全椒貢生嘗捐腴田數十畝為族祭產教弟廷諍成名以孝義聞全椒志

金紹曾全椒人議敘州同知凡遇歲祲捐貲倡首設廠賑粥米

薪率多自辦又嘗修學尊經閣建半邊河輒欄行旅稱便全椒縣志

汪森全椒人性孝事嗣父母如事所生以母病醫藥罔效遂發

憤精岐黃業志在活人不計利嘗有就醫者遺錢票一紙而去

追其人還之全椒縣志

程能指全椒人貧而自好有西賈素與往來忽攜衣服一篋寄

其家云將暫歸久之竟不至踰數年其子來謁舉篋付之封識

宛然全椒縣志

許顯宏全椒人嘗賈於崇明值海盜沒者無算盡出其貲募人

收葬空囊而歸孫履謙廩監生嘉慶十九年饑首出白金二百

兩輸官備賑全椒縣志

盛炳全椒庠生嘗捐置公田歲以所入代完通賦嘉慶十六年

饑捐資助賑蒙

恩以得官日加一級全椒縣志

郭中階字讓東全椒庠生例授理問嘉慶十九年饑捐資助賑

蒙

恩加紀錄二次全椒縣志

田大鏞字序東全椒附貢嘉慶十九年饑捐資助賑奉

旨議敘主簿銜全椒縣志

王景彪陳國仁俱來安諸生乾隆中知縣韓夢周於縣東南鄉

相官鎮置書院景彪國仁各捐宅舍一區事以大集韓夢周江清書院記

林式金陳純嘏俱來安諸生龔治國來安監生嘉慶中知縣楊

所重修儒學式金等倡捐錢各數百千緡因以集事楊所重修儒學碑記

趙作霖來安文生偕泗州籍職員袁景安建立同善堂施棺埋骨給寒衣又於嘉慶甲戌道光癸未丙戌己丑同堂兄作鳳倡捐賑濟

來安縣志

印賓賜全椒人從九品歲歉周濟窮民捐修育嬰堂積玉橋城隍廟白鶴觀年八十卒道光閒

旌表建坊祀忠義孝弟祠

全椒縣志

程錫齡全椒人州同捐建節孝總坊又偕江錫璜劉元楷印大煥等建湧金橋及崇善堂施棺藥卹節廢

全椒縣志

馬彤雲來安附貢道光戊申捐錢千緡賑濟水災咸豐初捐錢二千緡米五百石助軍餉丙辰歲旱捐穀獨賑卓家集一保戊午粵逆撲城督辦團練出穀一萬二千餘石以濟兵勇

來安縣志

聶祥茂滁州人業醫施藥有鬻妻者出資贖之

滁州志

黃沛滁州貢生創建同仁堂養濟院施棺施藥歲終散米百餘石

滁州志

章賡良滁州人咸豐五六兩年捐團練賑濟費以萬計

滁州志

章先甲滁州人訓導捐設同仁堂義局

滁州志

何為壩來安文生年二十六喪妻有子不復娶八十八歲乃終

來安縣志

和州

明張全含山人正統六年輸米麥千石賑荒奉詔旌獎

江南通志

耿宏和州人嘗捐稻麥一千五百石助賑同州孫智善捐稻麥

二千二百石陳禮捐稻麥一千一百石張禮捐稻麥二千五百

石陶興一捐稻一千石張樸捐米一千石助賑

和州志

唐敏含山人正統閒捐米麥一千五十石助賑旌為義民仍免

本戶雜派差役和州志

劉瑄含山人成化二十二年歲饑出穀助賑每月放賑一次凡

三年始已又嘗出穀一千石存於和州和豐倉備賑含山縣志

劉志含山人成化二十二年輸粟一千石雜穀五百石於和州

和豐倉備賑含山縣志

唐懋含山人成化閒助餉千金倡義賑濟全活甚眾授七品冠

帶含山縣志

朱清含山人鄉鄰有貧不能婚葬者咸助之又嘗捐貲修葺學

宮撫按各遣官賜勞以旌其義和州志 含山縣志

呂洪含山人嘉靖二年饑捐資倡賑巡撫督學咸旌其門含山縣志

嚴一貴含山人天啟辛酉軍需甚急助餉千金督撫以聞賜儒

林郎含山縣志

聶際明含山人候選京師捐金置和州含山會館家居置義田

立家廟月朔集子弟講家訓故終其身無家訟含山縣志

班樞和州諸生明季流賊陷和父母俱死於難祖母湯撫之相

依為命湯病衣不解帶及卒三年足不踰閭性好義捐田入生

生菴拯濟漂溺置冢以瘞無力營葬者又捐田七十三畝為銅

城聞蓄洩之貲又捐田二十九畝助鋪兵役食以免僉報之累

義行可紀和州志

國朝周文光和州人歲祲輸粟助賑全活甚眾順治十四年

唐德嚴含山人反遺金卻奔女閭里稱之含山縣志

晏璧生含山貢生歷任繁昌蒙城訓導事母撫弟以孝友稱周

給貧困全濟甚多在潛山時嘗捐貲千金以修潛學卒祀鄉賢

旌表建坊江南通志

重修安徽通志卷之九 人物志 義行

江南通志
含山縣志

蔣紹含山人嘗於運漕鎮拾遺金其弟級嘗拾無為薛某遺金

紹又嘗與其孫赴試拾得百佛寺殿上金皆守其人還之含山縣志

王瑜含山庠生母病顛神得愈遂終身茹素以答神佑嘗拾汪

姓遺金訪其人還之含山縣志

湯朝仁和州人性好義嘗捐資修造橋梁平治道路康熙閒歲

歉傾囊賑粥全活無算藩司給扁以旌和州志

王廷鵬含山人七歲喪父即知哀毀孤姪業落以己產分半授

之康熙閒蛟水陡發捐資賑溺歲祲捐金助賑廣施衣服棺木

人皆義之含山縣志

趙騰含山庠生歲疫捐數百金施藥施棺其從弟文明亦好義

嘗遇鬻妻償逋者為捐金以全之含山縣志

汪紹芹含山諸生雍正乙卯歲歉捐穀四百石助賑含山縣志

汪燦字東井含山人乾隆甲寅輸田圍塘溝額租五十三石以

為學田含山縣志

吳家崇含山人嘉慶時捐資石門山口石路子麗堂建五都大

路石橋獨修和州試院號舍含山縣志

戴雨膏含山人道光閒三次捐賑其先有戴守基者乾隆閒賑

米千石又乾隆時有汪鏞嘉慶時有過華道光時有柴萬貴過

桂林貢生戴琳戴泗泉監生陳產均於荒歲疊次捐賑含山縣志

徐繼貢含山人敦古勵善歲饑破產濟貧教養友人之孤為族

節婦置田產修石門山路建大河橋倡立義學控訴漕艘借泊

運河阻商擾民之弊七年始得直後運丁復蹈故轍附貢張仁

溥申請嚴禁其患乃息道光十七年繼貢

旌建坊表祀忠義祠含山縣志

張起麟和州人父仲彩以好施耗其產起麟糶穀鎮江獲三百金歸途遇覆舟者急呼人救之生一人酬十金活二十四人又以餘金給溺者空舟而返以子森官

贈朝議大夫和州志

張奉乾和州貢生教諭道光中疊次水災奉乾捐輸最鉅五圩難民賴以全活咸豐初軍興捐米千石歲旱賑米六百石他善舉約費萬金疾篤盡焚積券和州志
程安邦含山人道光中疊次捐賑水災倡造楊林大圩新埠費數萬金含山縣志

唐廷楨和州人貧而濟人之急嘗典衣代鄰人償債免其鬻婦衣食避亂者家屬措資送歸有陷賊自拔者畱養遣歸活二十

餘人和州志

蘇奇霞含山監生邱鰥寡助婚喪鄰有鬻妻女者贈金完之又

造江淮橋石欄溺人之患始免含山縣志

張鵬飛含山舉人家貧課徒有鬻妻者傾囊贈之含山縣志

胡雲祥含山監生輸養濟院田六十餘畝含山縣志

林榮和州武生成豐七年髮賊欲污其同室女榮義憤刺之被

傷死和州志

張明秀和州童生孝親睦族妻死有子不再娶和州志

廣德州

明岑熙建平人以孝行聞客都下得遺金五百於逆旅求其人還之御史馮明玠紀其事夜有鄰婦挑之拒不納歲大饑破產以賑後盜過其里相戒勿犯江南通志廣德州志

東郭老人廣德人家貧業賤晨起汲水拾一遺囊俄有商譁訟
索於逆旅老人挈而往曰子自遺於道彼何咎遂還之約二百
餘金商願酬以半老人曰吾何如得全耶不受或曰老人姓王
名君附廣德州志

潘之藩建平人年已七十值土寇劫掠之藩率族人連保甲設
禁約互相守望賊不敢窺一方賴以保全廣德州志

步顯四廣德人嘗費數百金獨建明倫堂歲歉代完逋稅賑貧
民廣德州志

駱憲德廣德人嘉靖時歲大饑出銀米以賑鄉閭全活無算賜
冠帶廣德州志

張大化廣德人幼聘管世儒女既而女以痘瞽管請張別議婚
父母欲許之大化時年十歲持不可曰瞽在聘後此兒命也况

瞽女既退誰復娶之父母聽其言及成婚伉儷甚篤廣德州志

姚啟宗字午明建平庠生母病衣不解帶性好義見人冤抑不
惜破產申雪有誣陷大辟者宗讐也力為解釋又有負金欲鬻

妻償者即焚其券江南通志

王應篤字時敏建平人家貧好義里有貸其金娶妻生子欲鬻
子以償者即焚券不復索歲饑貸穀二百石以賑鄉人江南通志

許煉廣德人嘗拾金還人捐產養弟後官樂平縣尉廣德州志

潘鈺字服之建平庠生弟以父喪家貧徙他郡鈺置田宅招之
歸歲饑出粟以賑施藥施棺鄉里稱善人江南通志

史大典字惇甫建平人父早卒事母以孝聞崇禎十年捐三千
金重建學宮置學田五十畝廣德州志

國朝周本蘭建平人明末歲歉出穀五百石助賑鄉里有不能輸

賦者代之廣德州志

夏璿賜建平人順治八年旱輸穀五百石全活者眾同邑貢生宗瑛父早卒諸弟皆幼撫之成立繼粟不私兩遇歲歉出米千六百石有奇助賑他如學宮義學義倉浮橋等項皆置產以供歲修廣德州志

程應桂建平人爲邑掾乙酉兵亂知縣杜鶴年家口百餘應桂多方保全之初鶴年見事急攜孤孫以託應桂鶴年被殺護其孫與主婦還關中後邑令張正中顏其居曰義高千古江南通志陳乾廣德人事親孝弟天撫姪如子族有賣子典身者爲贖之負債焚券不取遇疫施藥施棺人頌其義江南通志濮陽翼廣德貢生性孝友撫孤姪爲經營其產業寸絲斗粟皆有籍可稽姪成立悉歸之嘗買婢廉知爲宛陵良家子卽破券

遣還廣德州志

濮陽曉字粲東廣德廩生天性孝友艱於嗣將置妾適從弟欲娶乏聘卽以買妾貲爲之完娶戚屬某負豪右百餘金計窘圖自盡曉傾囊不足更稱貸代償人多其義廣德州志雲像曾字念貽廣德貢生母病禱神請代侍奉湯藥衣不解帶嘗於母誕日稱觴母曰我有素志未遂爾曾祖嘗兩次捐穀千三百石以濟貧乏爾獨不能承祖志乎像曾欣然聽命散穀七百餘石又割腴田一百二十畝爲族義產乾隆元年

旌表建坊廣德州志

沈衡廣德庠生以善貨殖佐其父治產初止三頃數年增倍事繼母盡孝父卒有異母弟四人盡推與之僅取十畝曰余習會計無賴是也凡葺學宮明倫堂福星橋諸義舉皆藉其力廣德州志

重修安徵通志

卷三十九

人物志

義行

七

廣德州志

李邇泰廣德貢生事繼母孝鄉賢祠圯獨力建造有貧不能婚
嫁者代爲措辦凡五姓歲祲設廠賑粥全活甚眾施棺瘞者四
十年無間

廣德州志

王邦字煒先廣德貢生選鴻臚寺主簿歲祲捐穀數千石施棺
木修義冢至老不倦

廣德州志

濮陽緒字緒人廣德貢生性醇厚貧佃負租不取者前後數千
石邑有興作竭資任勞無倦歲祲出穀賑饑多所全活

廣德州志

烏方新建平庠生兄弟同居五十年無閒有遺橐於園側者書
榜召其人還之

廣德州志

王之詔建平人好義樂施親族多待以舉火年饑貫貸平糶不
吝里有訟一言輒釋

廣德州志

張家麟字兆聖廣德人篤於孝友好施不倦里有賣妻償逋者

夫婦相持哭家麟聞之往贈以金得全又有鬻子者亦贈以金
且常調其乏

廣德州志

沈龍紱廣德附貢乾隆辛未歲饑與弟庠生燾鬻產賑粥丙子
又饑復賑之自春及秋費踰千金同里高元桐亦鬻田佐賑有
賣妻償債者貲給之夫婦得全

廣德州志

沈綱廣德諸生歲連饑倡議捐賑施棺構湯藥有某鬻媳償逋
贈之金以止其事某所居屋舊鬻於綱焚其券而還之書院苦
湫隘綱請於知州卽明舊學基重建以焦勞成疾卒

廣德州志

陳益先廣德諸生與弟樹澄俱好義先是其父嘗諭之曰州罕
儲蓄不通水遇荒則運糴維艱有餘貲惟多市穀凶年可以濟
人故其家積穀頗豐乾隆乙未災益先兄弟出穀煮賑二月薪
工雜費錢至百千乙巳又大饑兄弟捐米三百五十石值千餘

重刊... 卷之五十九
三一

李可升建平人乾隆乙巳歲饑捐銀三百六十兩助賑又廩生王以智捐銀三百二十兩助賑遵例議敘廣德州志以上舊志

呂梁字晉望廣德舉人年十五父歿五兄兩弟皆議析產梁泣勸不能止因悉推讓既長常排難解紛王周二姓爭鬪周傷幾斃將成訟梁膳傷者於家藥之而愈事遂解道光丙午歲歉倡捐設豐備倉備賑二十九年官績溪教諭勤於課士咸豐初勸捐辦團四年推升甯國府教授廣德州志以下新修

蔣邦璽建平廩生事母孝樂善好施歲歉賑饑親族咸受其惠

蔣邦璽建平廩生事母孝樂善好施歲歉賑饑親族咸受其惠

六安州
元郭淵字濟川六安人羣盜起聚族保障人盡依焉大德末淮

西大饑作饘粥以濟之有飲於西家者醉而出遺金於門淵拾之明日其人索之西家怒而爭將自到以明不欺淵聞之急呼其人示以所遺事乃息初六界北邊民習武少文淵與父諗以詩書俎豆為業六人化之朱學士集

明王文聰字子章段庭竹字伯堅俱英山人紅巾賊來寇二人募鄉兵敗之獲渠魁四十八人解京洪武二年授以官辭不受

勅賜獎勞六安州志

葉天祀許再興高士聰王仁甫江文禮謝俊俱六安人正統六年各上穀二千二百石助賑奉勅獎諭同州邵文忠陳剛周文

直王保八年各上穀五百石余文勝李三各上穀三百石高雲

何信葉文謙孫適唐安李宣李綱陳昇吳貞高寬李谷佐景泰

五年各上米四百石賑濟冠帶榮身陳明管鑑何文德潘顯成

化元年各上米七百五十石授七品散官陸聰葉文恭李仲祥

高甯各上米二百石授九品散官劉國翰崇禎十三年捐穀千

石賑饑

江南通志六安州志

余子旺英山人景泰六年捐穀千石助賑敕賜冠帶同邑傅月

敦捐穀六百石敕賜義官徐滄海捐穀三千石奉敕建坊旌表

姜宣鄭顯忠等萬曆九年共捐穀四千石助賑

江南通志六安州志

汪禮由漢陽遷六商於淮有劉姓者相與往來忽攜五百金託

寄曰將入京考職挈此不便以公長者故相託耳許之劉後以

罪戍邊越三十年放歸汪適與郡商宴集有句乞食眾叱之句

泣言情卽前劉也禮喜且訝出金相付封識宛然

江南通志

潘種六安人嘗得路遺百金守而還之同州駱鵬亦還遺金問

姓名不告其人泣拜而去

六安州志

何克仁六安諸生赴試得遺金守而還之嘗置妾詢知為楊某

妻亟遣之不索值

江南通志

朱葛鈿六安人嘗拾遺金守而還之有曝衣被竊者怒笞其婦

婦縊幾死為代償之

六安州志

孫輅霍山人嘗獨建孫家橋修明倫堂甃泮池天橋皆親董其

成勞費兼任

六安州志

張孔傳字淵魯六安人天啟丁卯舉人不仕畱意鄉邦利病六

安舊苦徭役畏僉點如湯火孔傳倡議計應費若干以糧為斷

而一切以官主之民困始蘇

江南通志

董中義霍山人明季流賊猖狂中義督率鄰里立砦守禦遠近

數千里賴以保障子庠生玉連佐黃得功幕軍中不妄殺不橫

掠皆其力也

霍山縣志

國朝黃今魯六安人乙酉寇亂城崩數十丈幾不可守今魯傾貲

辦運灰石一晝夜築完人心始固

六安州志

程天申葉山庠生順治初土寇充斥奉檄充練長馭鄉勇數百

人甘苦與其賊魁皮裘恣為剽掠以計擒之餘黨悉平地方安

堵無患

六安州志

沈宗洛英山諸生父病嘗糞以下吉凶及歿哀毀順治八年黃

岡歲歉士民就食於英者四百餘家宗洛計其戶口散穀七百

餘石後為大盜所誣逮至黃黃人奔府具保者一日千餘紙知

府知其孝義釋之

六安州志

金天爵六安人嘗因艱嗣妻為置妾詢知官裔具匭嫁之鄰被

火者數百家悉貸粟以賑眾賴以安

江南通志

陳可文六安人嘗兩拾遺金守其人還之同州貢生張鎬親病

顛天求代族弟貧分己產給之嘗拾遺金還其人又邑有鬻妻

償債者為代償之全其夫婦

六安州志

尤日升六安人父患疽口吮膿血康熙己未里有火災日以升

米食其貧者歲早賑穀千石又修治險途掩骸置冢義行甚多

六安州志

朱彰秀六安諸生性好施凡建橋設渡煮粥賑饑每費千金不

惜卒年八十九

六安州志

方宗隆英山諸生康熙己丑饑捐穀六百餘石以賑平居助婚

娶喪葬邨鄰賑貧義無不為

六安州志

胡學旦英山諸生性孝友撫繼母弟成立置祭田建宗祠嘗贈

鬻婦者金全其夫婦凶年瘟疫出穀帛棺木周濟者非一載其

妻章氏尤好義學旦卒康熙乙酉丙戌閒每歲出穀千石煮粥

賑饑全活無算又給醫藥棺木及修橋建寺累數千金積久不

倦英山縣志

江廷楷六安庠生州前奉檄墾荒升糧三百餘石銀一千九百四十餘兩水衝沙壓無以供課廷楷呈請大府疏奏豁免州人至今賴之又英山諸生程明材乾隆四年

恩詔報除荒畝明材覈英田為沙壓水衝民久受其困者自備貲斧與

弟明榮具稟藩司得邀豁免邑人德之六安州志英山縣志

姚宗舜霍山庠生禮法自持雍正丁未蛟水暴發廬舍漂流登

高阜避水婦女羣集宗舜不安遂躍入水水退覓其屍倚樹端

坐面如生六安州志按此事不近情理疑是傳聞傳會之詞未得其實

程光泐英山人官兵馬司正指揮家居好義歲歉命子州同明

檢減糶濟貧給衣散米全活無算巡撫以誼敦任郵旌之六安州志

程明穰光泐之子性孝友析居後兄以食指繁不給明穰析田

租百石讓之季弟欲移家費不足又以田租百石銀三百兩穀

三百石助之英山戶役輪充賠累殊甚人多規避為捐田永助

其費里人德之六安州志

尤偁字端中六安諸生幼失怙事祖母與母至孝雍正丁未大

水人皆升屋有鄰婦適臨產哭甚哀偁告祖母引至樓上而生

母子俱全其曾祖日升好義舉如置義冢修橋路郵貧賑荒偁

皆踵而行之鄰里貸粟出用大斗收則用小斗歲以為常人皆

義之六安州志

李盛春六安人雍正丁未自毫歸舟泊城西山水暴發募人救

溺全活無算又買棺以瘞死者給銀米於被災之家六安州志

許憶槐字賓舉六安增貢性孝友兄歿撫姪成立姪又歿更撫

其子給田授糧至老不倦乾隆乙巳捐銀三百兩助賑喜汲引
獎諭成就後進六安州志

胡朝元盛宗選張繼高皆六安人乾隆乙巳各捐銀一千兩助

賑同邑鄧成左燮鄭浴鳳程良弼各捐銀三百兩助賑六安州志

李燦霍山諸生曾兩拾遺金守而還之乾隆乙巳歲饑捐貲以

賑親見七代五世一堂卒年九十九霍山縣志

張雲際六安庠生捐貲以建宗祠乾隆乙巳捐銀四百兩助賑

同邑貢生任淑善丙午捐銀千兩助賑又每歲以千金製藥濟

眾六安州志

程光治英山庠生嘗拾遺金訪其人還之友愛兄弟助田租二

百石以奉兄凡邑中義舉如修學造廟無不首捐以助六安州志

段鵠英山人嘗拾遺金五十兩守而還之六安州志

陳有祿六安人嘗拾遺金三百兩又拾遺金五十兩皆守而還

其人子哲嘗助鬻妻償逋者銀完其夫婦六安州志

余致和六安句者拾錢票一紙眾以其貧勸之匿致和不聽守

其人而還之六安州志

祝極字運樞六安人考授州同事親孝與弟友愛處鄉里恭讓

乾隆乙巳捐銀一千兩赴江西糴米助賑又於麻埠鎮減價平

糴六安州志

關煌六安廩生好義喜施嘗修建橋梁十九處置渡二凡邑有

營建及水旱必倡輸以勸至貲助宗族戚友不欲人言曰此誼

當通有無不可以施濟論也六安州志

胡豐富六安貢生乾隆乙巳捐千金助賑又設食以食餓者卒

年八十三六安州志

張緒俞六安人母疾侍湯藥衣不解帶兄弟不異財乾隆戊子

饑設廠賑粥經理盡善乙巳偕兄弟捐金二千兩命子庠生騰

蛟糴米江西以散飢者全活無算六安州志

汪均六安庠生乾隆戊子乙巳捐賑千餘金丙午大疫延醫施

藥全活甚眾又修治橋梁數處六安州志

汪昌祚六安貢生事親孝篤於友誼不吝解推乾隆乙巳捐銀

五百兩助賑又為粥以食飢者至設義渡修學宮義舉尤多六安州志

祝樗字含章六安貢生候選州同知事孀母孝友于兄弟嘗捐

數千金修香花嶺路十餘里又與姪燾捐州試卷費勒石垂久

士林佩其德乾隆乙巳捐千金助賑六安州志

楊名播字載南六安庠生邑有義舉如修黌宮建書院設廣惠

局皆首倡以勸乾隆乙巳又首捐助賑慕義者從之賴以生活

者甚眾王文端杰哀其義行為立傳六安州志

徐映照六安人性好義先塋舊有祀田為族某所竊售罄私囊

典衣篋贖之有友攜多金託置產其家無知之者友卒產未置

即以金付其幼子六安州志

段祚炳英山諸生父肇仁候選州同知嘗置產為祭費祚炳遂

建宗祠經營千金以充禮祀之用弟祚煜亦捐貲共襄其事六安州志

馬世銳英山人少失怙事母余氏極孝嘗捐置祀田租數百石

又承母志捐租數百石於余氏祠又修西門外石橋約費數百

金六安州志

沈楷六安人有借貲貿易而被盜者情急投水楷救之詢得其

故以百二十金贈之歸朋友戚族之間每捐財穀以助

沈鏜字兩岐六安人以行伍擢巢縣外委歷官護理廬州營都

司乾隆乙巳巢饑辦理賑務單騎徧鄉井親給戶口吏不能欺

巢人咸頌其德有奇其才欲黜一武弁而以其職授鏜者力辭

不受人高其義

劉戒隱六安諸生孝事父母撫育孤姪捐祭田立家塾助婚娶

有鬻子婦者為全之歲歉捐金數百兩助賑

趙敬承六安諸生撫育孤姪教養備至嘉慶甲戌歲饑命孫秉

彝首倡捐銀一千兩議敘九品銜卒年八十四

晁廷燦號樸菴六安庠生性好施建橋助賑知無不為晚析產

給子而存一於公為義田以所出為族人教養之貲子載策載

簡載典踵而行之乾隆乙巳捐銀一千兩助賑孫尚仁尚忠等

又廣其志捐置祭義田地等其銀三萬六千四百有奇嘉慶十

三年

旌表建坊

余蔭遐霍山人州同其先監生余天遜乾隆年獨修學宮門樓

費千金蔭遐偕族人續修之親族以困乏告者各如其意去捐

祀田培祖墓費輒千金

何定六安監生嘉慶甲戌咸豐丙辰兩次捐穀賑饑每歲施衣

食濟貧終身無閒又監生李國詔劉仁昌並於嘉慶甲戌鬻田

賑饑有因荒謀欲棄婦者皆厚濟之

王灝六安人道光中兩次賑饑存活無數修橋路十餘處

黃世文六安人兩次歲荒施棺木義地建宗祠修橋梁

舒堯文六安人建宗祠修支譜客亳州拾遺金還其人

段祚論英山監生旅宿被火傾所有給其主家又於路拾川商遺金三百還之英山縣志

段芳燦英山監生拾遺金三百還其人英山縣志

沈士粲霍山人拾百金於道候其人還之霍山縣志

劉士埰字上玉霍山貢生建橋設渡濟困扶危有昏夜攜千金求寄者越十餘年還其人封識宛然霍山縣志

汪興棟霍山監生貿易漢口嘗拾百金守而還之道光癸卯咸豐丙辰饑賑濟千餘人霍山縣志

葉時昌霍山人有負官項將賣妻者出銀解之霍山縣志

左源六安文生客淮上有鬻妻者如其值與之俾得完聚族親待以舉火者甚多六安州志

江天鐸六安人州同銜有鬻婦者贖歸之每歲終施散寒衣修

路設渡并置產為歲修費六安州志

彭其和英山人有楚中孫姓女勾食詢知夫赴四川其和屬養於鄰媪專力入川尋其夫歸英山縣志

劉之芬霍山人鄉里告貸無不應有不能保其室家者贈銀完聚之霍山縣志

江毓韶六安人捐設渡船以濟行旅子永溱等復捐田為續修費六安州志

江文習六安人州同銜歲旱捐錢一千六百緡賑濟子學優遵父志遇歲饑必運米平糶流波曠義渡亦捐有資產六安州志

袁介臣六安人歲歉捐資助賑鄉里請上官旌其廬六安州志

張文學六安人罄畢生傭工資助修橫排渡六安州志

洪香泉六安貢生咸豐初捐資募勇保衛鄉里出穀六百石給

難民賊踞舒城倡義助餉六年歲大旱輸六百萬金賑之復捐置義地二所六安州志

胡長壽字中祺六安人候選同知備有潘氏婦夫以三十金鬻之壽給資如值遣歸每荒歲及良時節輒微服出遇貧苦者給之甚厚又施藥歲費千餘緡弟長運候選同知宿旅舍有遺百金者守候數日客尋至還之六安州志

鄭昌寶英山附貢祖本超捐田課六十石為生童試卷費昌寶與弟昌齡復捐四十石充之昌齡子監生光籍助修宗祠百金又出數百金為房叔置立祭產歲疫施棺百餘具英山縣志鄧林棟英山貢生嘗招貧士捐資教育之歲暮施衣粥英山縣志沈詩俊英山監生置祀產三百石入祠捐百五十金修瓦涼亭路數里英山縣志

段芳悌英山監生捐義渡田課三十餘石錢四百千又輸田課二百餘石入祠助試費課三十石英山縣志

石達銘霍山人少孤年十七主家政同居七十餘口數十年無閒言置祀田捐祠產設義渡千金無吝修學宮用祖儒藻名捐

錢千緡霍山縣志黃繼舉霍山監生歲荒糴賤賴生活者數百家霍山縣志

黃繼瑗霍山監生拯飢寒濟困乏施棺散衣數十年弗衰霍山縣志董明世霍山人歲饑出穀五千石助賑霍山縣志

余志迴霍山增生解囊息爭孤寡賑窮乏數十年弗衰邑修學宮書院文峯塔皆捐數百金霍山縣志

熊之仁霍山人捐田助建雲程館設船管家渡并買田為歲修橋梁渡工之費歲荒減價平糶霍山縣志

重刊安海通志 卷之五 三
余其椿霍山監生修族祠建書院立義倉聚義保俱不惜費霍山志

袁其惠霍山文生戚里有貧乏者賙濟之本邑工程義舉前後

捐千餘金霍山縣志

吳廷集霍山人國子監典籍親族貧乏月給錢米數十年遇公事賄累多金悉歸美先人不以自名霍山縣志

鄭逢霖霍山人粵匪竄境避亂霖家者數百人計口給糧儲積

以空咸豐七年饑復發粟濟貧全活甚眾霍山縣志

彭恆超霍山監生修學宮建書院設義倉造文峯塔共捐千餘

金邑西太紫廟曬稻石兩處為英霍通衢費錢五百緡修理平

坦霍山縣志

沈賢禮霍山人修橋梁平道路歲費數百金族戚有貧乏者日

給錢米歲終製棉衣散給霍山縣志

高順六安人傭工於鳳臺李梓林家壽州城陷免梓林於難而

已死之鳳臺縣志

程錦耀六安人為廉賈臨財不苟鄰人文姓兒與錦耀季子戲

季傷目而斃家人將訟之錦耀與妻皆不可曰彼子母孤孀奈

何以兒戲絕人後事卒寢徐子芥撰序表

泗州

吳臧均臨淮人諸葛恪既為孫峻所殺均表乞收葬於是亮峻

聽恪故吏斂葬之三國志諸葛恪傳

明孫仁天長人按泗州志家饒於貲值歲荒百姓負官租千餘

金仁慨為代償江南通志

蔡彥平盱眙人正統四年歲饑輸粟一千五百石助賑同邑濮

重刊... 卷之...
榮正統五年饑輸麥豆一千一百石李記子輸粟五百石並旌
為尙義之門

盱眙縣志

蘇旺蘇智蘇閔朱文玘俱泗州人正德閒山東盜犯境旺兄弟
與文玘糾合鄉勇挺身迎戰各手刃數賊尋以賊眾力窮遇害
知州義而祀之

江南通志

闕寬盱眙人嘉靖三十六年倭寇犯揚州由天長劫掠至義井
東山守兵潰署主簿朱文領民兵禦之為寇所乘墮馬寬獨奮
擊突陣翼之而歸

盱眙縣志

戚杰字世秀泗州人年十七登嘉靖乙丑進士歷擢吏部考功
郎中杰少聘花氏女未婚而瞽及登進士婦家請易婚杰不可
曰夫婦倫也疾廢命也吾不娶將安歸

江南通志

姚光裕盱眙人萬曆四十七年饑捐穀六百石助賑旌為義門

盱眙縣志

李維楨盱眙人崇禎十年流寇猖獗兄維藩被砍傷維楨赴救
力不支而死妻仇氏與三子俱被害

盱眙縣志按此當人孝友舊誤未及更正

張威天長人僉事張昊之僕昊征姚元洞蠻為賊所執昊曰我
死國宜爾汝可亟歸威曰主不歸我何之賊刃昊威力拒之遂
支解死張氏世祀之

江南通志

胡世富天長人崇應第之僕應第少時嘗出遇盜被執索金世
富給之曰金在我橐執彼何為應第遂得脫盜從世富索金不
得遇害

江南通志

王秋天長人王應芬之僕應芬遊粵嶠得疾秋籲天割股進之
得愈

江南通志

辛安盱眙人嘗拾遺金守其人還之又造義渡贖鬻女善行甚

多同邑沈禮杜翰汪憲孫鉉俱以還遺金聞縣志

國朝潘士吉天長人明季揚州殘破有掠其子女至邑者士吉遇

則買而歸之其無歸者撫之如己女長為擇配嫁之年七十二

預知死期出一帙屬其子曰吾初願行善事一千件今僅得七

百五十件汝勉為吾補之如其數則焚此帙也聚親朋言笑而

卒江南通志

王三汲天長人家貧事親孝親歿茹素三年有鬻米於三汲者

誤遺金於米中三汲追而還之天長縣志

江仁宇泗州人孝子之湘父也性好施嘗於淮陰捐二千金助

賑漕督以仁施淮泗四字旌之泗州志

喬璧泗州衛庠生康熙閒捐千餘金建石橋於洪澤古橋之東

置茶亭其上往來者德之泗州志

張辰盱眙庠生祖父俱以行義賑荒名康熙四十三年山東河

南淮徐等處大饑流民過盱眙辰出米三千餘石賑粥五月全

活數萬人盱眙縣志

李旭盱眙人捐銀二千餘兩代邑民完雍正元年二年糧欠又

嘗修橋焚券義無不為卒年八十八盱眙縣志

胡世瓚盱眙人率子守謙從孫銑捐資一千三百兩重建王家

集積慶橋盱眙縣志

艾仲學盱眙人路拾遺金四十兩守其人還之盱眙縣志

張汝器五河諸生乾隆二十一年饑捐米賑粥救活萬人四十

年其子永臨又與諸昆弟公捐大興街房屋一區為節使行館

五河縣志

閔居勝泗州虹鄉人喜施予時有閔善人之目年四十無子病

絕復蘇連生三子益篤於為善壽百二歲虹鄉志以下新修

朱建岐泗州監生道光癸巳大禮與朱觀光捐穀五百六十餘

石咸豐三年觀光復倡捐穀七百石泗州志

楊萬選盱眙歲貢友人王兆棠病亟託以遺孤為之經紀其家

嫁二女課其子為諸生盱眙縣志

許鳳泗州虹鄉人建宗祠置義田捐修城垣書院歲饑設廠施

粥虹鄉志

謝於仁泗州虹鄉農人鄰里有急求無弗與有行人失銀十餘

兩詢其數如數予之虹鄉志

毛濤天長人理問捐田二十四石為石梁書院膏火建縣東門

董家橋丫口鎮萬安橋葺黎孝女墓買地以擴之天長縣志

張國芹天長人修護城橋南門大橋龍王廟及學宮東南之筆

峯樓不惜千金天長縣志

戴百壽天長貢生成豐六年大旱出米平糶督率團練保衛鄉

里積勞卒天長縣志

楊玉琳五河附貢歲歉貸資濟人至負債千餘金五河縣志

張公韻字秋陽五河文生訓後進以孝弟待戚里以至誠精醫

理著手輒效然不受人餽遺五河縣志

邵雲鶴五河廩貢教諭縣南鄉歲有水患灣田尤甚道光二十

八年雲鶴與文生易邵圖等於黃家溝金岡築隄壩以禦之咸

豐二三年稱貸以濟饑民八年擊賊於蘆塘走之同治元年卒

五河縣志

張芝華五河人七世同居五河縣志

劉氏義僕某天長人劉家於秦欄鎮為仇所害時劉妻生子方

